

二十二勘

十一

永樂大典

卷一萬九千四百十八

之一萬九千四百十九



舊

纂修官李 發出第一萬四千四百八十八卷
徑世大典二卷

共書一種計二條

乾隆三十八年八月七日發寫 膳錄

永樂大典卷之一萬九千四百十八

二十三勅

站

站赤三

經世大典中統二十年二月十二日。中書省議近令民間應付過往怯薛解蒙古人員。粥飯安宿。今聞百姓仍舊不與。致有爭訟不使。再下兵部通行合屬。丁寧省諭府州司縣村坊道店人民。今後遇有怯薛解蒙古人員經過去處。依理應付粥飯。夜則止宿。毋致爭訟。如蒙古人歐漢人。不得還報立證。訴於有司。其違犯者。嚴行治罪施行。十五日丞相火魯火孫等。奏和林宣慰司答木丁。乞降差使鋪馬聖旨。臣等議給二道。奉旨準。三月二十一日。中書省奏為官之人。考滿自來求任。既已注授。則稱地遠。皆請給驛。臣等集議似此一槩。準給驛馬。既損。且不能遍給。宜定其制。除西川。福建。兩廣。遠地。給以驛馬。此外勿從其請。奉旨此議是矣。從之。五月四日。殿中侍御史沙的等。奏江淮行省官闊闊你敦。言元降鋪馬聖旨數少。請增給事。都省議以起馬一疋。聖旨十道給之。又都省亦為往來遣使繁多。乞增發起馬一疋。聖旨二十道上。可其奏。七月中書省劄付通政



史換

院議各路站赤戶計自備首思免其和買和顧雜泛夫役。有無便益事。本院行據大都路良鄉等驛申站戶自改法應當雜役。官降首思以來。困乏尤甚。蓋有司復令站官關錢祇待。不能應卒。往往假貸於民。使站赤重負逋息。煩紊官牘。理訴實繁。如將和顧和買鹽折草車牛丁匠社長主首行例等役。奏免仍令站戶自備驛使下馬日。首思似為便益。通政院以為大都上都站赤。係天下之總。舊制官降首思。非他路之比。雲南甘肅陝西四川等處。皆是邊遠。江南新附州郡。難同腹裏。合從行省官司。從長議擬。今權擬大都路一體自備。經過使臣下馬日。首思如各路站赤。委若祇應不前。合擬增戶。庶得官民兩便。是月二十四日。通政院使慙刺哈兒副使也。只列參議中書省事明里不花等。奏准聖旨。除免站戶和顧和買。一切雜泛差役。仍令自備首思。省部欽依。遍行合屬照會。如使臣經過已支當日首思。次日以公務未行者。仰管民官司於年銷祇應錢內。依例應付。每季具站戶自備及官支分例正從之數申報。十月二十二日。丞相火魯火孫。右丞阿難荅等。奏與魯赤挑河運糧令自海道以來。其餘官物。取東阿至御河。立陸站以致之。誠為順便。上曰。御河朕曾見所議是也。又奏濟州迤南潭口站。徙於新開河邊。魯橋鎮置立。使臣無急務者。從此一站。命由

水驛則剩一馬站。又且直捷。上曰。是也。今從水站行者。十一月二十日。右丞相火魯火孫等。奉準增給甘州行省鋪馬聖旨十道。通前共計二十道。是月彰德。真定等路。言間有使臣乘長行馬到驛者。亦於站戶處支取當日下馬分例。伏慮未應合。無從官應付。省準。十二月五日。右丞相火魯火孫等。奏揚州。荊湖。四川。福建。行省。及四川轉運司分司。湖南宣慰司。各言元降鋪馬聖旨不敷。請增給事。臣等議斟酌各處辦事之緩急。分增鋪馬聖旨三十五道。奉旨準。江淮行省增給起馬一疋者五道。二疋者五道。四川行省增給起馬二疋者五道。一疋者五道。安西轉運司分司增給起馬二疋者一道。一疋者二道。福建行省增給起馬二疋者五道。三疋者五道。二疋者五道。一疋者二道。福建行省增給起馬二疋者五道。三疋者五道。二疋者五道。十七日。丞相火魯火孫等。奏雲南隨站般運一切官物。已設人夫。今過往使臣。却令扛運駝馱。人數不敷。又於民間起點。乞目今除進呈上位官物諸王物。令見設人夫般運外。其餘使臣駝馱不得差起民夫。奉聖旨是矣。過往使臣勿令多將駝馱。欽此。二十一年二月九日。中書右丞相火魯火孫。右丞麥朮丁。奏軍前賞與孳畜。去官合無乘驛。或於幹脫。見在馬疋內與之。奉旨宜給驛馬令去。十日。參議中書省事明里不花。學士阿難

荅等。奏準事理。一荆湖占城等處。造舟運糧供給占城之役。合增各官
司鋪馬如左。本省增起馬二疋。劄子一十道。荆湖北道宣慰司。增起馬二
疋。劄子二道。所轄路分一十六處。每處增起馬一疋。劄子二道。總三十二
道。荆湖北道。澧州路。辰州路。沅州路。靖州路。河南道。全州路。衡州路。道
州路。柳州路。桂陽路。永州路。廣南西道。邕州路。肇慶路。容州路。橫州路。
海北海南道。廉州路。化州路。一山東運司。辦課甚重。行鹽之地數千
里。及宣德府所合準備車駕納鉢。北平王掃里。各擬增給鋪馬。山東運司。
增起馬一疋。劄子二道。河間運司。增起馬二疋。劄子一道。一疋。劄子六道。
宣德府。增起馬二疋。劄子一道。一疋。劄子二道。一江西等處行省。增給
起馬一疋。劄子三道。二疋。劄子二道。一福建行省。所轄路分。每處給降
起馬一疋。劄子一道。二疋。劄子一道。總計一十四道。內一疋七道。二疋七
道。興化路。泉州路。南劍路。建寧路。邵武路。汀州路。漳州路。一司農司。掌
隨路墾沒財產人口孳畜屯田。供儲事甚繁重。擬給起馬二疋。劄子二道。
一疋三道。一四川行省。所轄順元路。宣慰司。及思播兩處。宣撫司。擬給
鋪馬順元路。宣慰司。給起馬三疋。劄子一道。二疋。劄子二道。思州播州兩
處。宣撫司。各給起馬一疋。劄子二道。一都省。增給起馬二疋。劄子一十

道。三疋劄子一十道。十七日通政院奏譯史阿散來自女直之地。據信站戶告言打捕鷹房官忽都魯者由川路回過本站。見在之肉不食。必需活羊烹之。後來者若復倣此。實難供給。上曰。此站何遇而與之。今後見在有肉則與之。與而不食。雖水勿與可也。二十九日伯哈納塔魯忽斛楊同僉等奏昂吉兒言。謂如頒降聖旨。諸官具公服迎迓。今使臣賫捧鋪馬聖旨。所遇未嘗具禮。漢人南人得無輕視。是皆阿合馬所使然也。請更其制。令省部臺院各出鋪馬文字給驛。臣等議。往時以濫乘鋪馬。故罷除各衙門文字。今復其舊。於理不宜。奉旨若曰。非阿合馬之謀也。朕實行之。其諭昂吉兒令守口供職可也。四月陝西漢中道宣慰司言。使臣分例內。每員油鹽菜等支鈔一十文。市易不敷。乞增給事。省部定議。正使每員油鹽菜等日支增鈔二分。通作三分。遍行合屬照會施行。是月通政院言。使臣分例。乳酪柴炭灯油。似無定數。都省照得正使油鹽菜等鈔數。每員增作三分。其首思已有定例。如每月乳酪於分例酒肉內。準折應付。正使宿頓支米一升。麪一斤。羊肉一斤。酒一升。柴一束。油鹽雜支鈔三分。經過減半。從者每名支米一升。經過減半。閏五月濟寧路言。大清河漕運南糧。却有行省所差押綱頭目。亦稱宣使。所過強需飲食。擾民不安。乞禁治。

事。省部議咨江淮行省。凡差押綱運糧。并乘長行馬足公幹之人。明給文憑。開具正從合支分例。仰過經官司依例應付。如無憑驗妄需飲食。及馬足芻粟者。所在官司即便追究施行。是月御史臺言。內外官府出使人。負每至城邑。持威挾勢。頓指風生。一身而支分例二三名。或從者同正食。又或嗜味索饌。命妓縱酒。無所不至。會計祇應文籍。不過常制。蓋是有司委曲包容。裒民媚上。若上禁止。官民俱受其弊。今後莫若定擬內外大小出使人負。除正從外。不得多餘支取分例。及廣需精饌。計諸人告言。各道按察司嚴加體察。犯者抵盜官物罪。追陪元數。取與同坐。似望管站出使之人。各知懲戒。蠹弊可除。都省準呈定擬。今後遣使從本衙門定其正從之數。始自脫脫禾孫。及站官印署公文。逆報前站。依上祇應。如有多取者。職官具其姓名來上。餘人就追賞之。管站人負。亦不得過當應付飾名虛破官錢。違錯劄付御史臺。及遍行合屬照會。六月六日。襄陽路言竊見雲南四川。諸部蠻夷進獻馬足諸物。經過於內多有得代。及因事赴都官負。初無來歷文憑。詐冒需支飲食馬足芻粟。凌轢官府。動擾百姓。乞區處防禁事。都省議得。今後遇有進呈之物。本處官司驗數斟酌。明書差劄關文。行移前路應付脚力。逆運至交割之所。飲食草料。依例施行。下合屬照

驗訖。十五日中書參知政事老哥尚書答失蠻等奏阿諦遠來朝現。自乘已馬到京。今馬已損弊。乞依信直日例給鋪馬。其從者給鋪車而回。庶見優卹。奉旨準。八月二十九日。中書右丞相火魯火孫等。欽奉聖旨。諸城毋得與錢祇應使臣。皆為站官所侵盜。來使二三人。或書作二三十。今後使臣止令站戶祇應。蓋物從已出。不致多支。若有諸侯王如滅里干等。來時明以官錢應付可也。九月十六日。火魯火孫等。奏乞給阿里海牙所治之省十道鋪馬。聖旨內起馬三足者五道。二足者五道。又所轄二處宣慰司。每處給起馬二足。劄子三道。上可其奏。十月四日。火魯火孫等。奏前者奉旨。今麓吉刺闊闊出二人。從脫歡太子出軍。今已至矣。若由巴力而行竊恐遲悞。合無今同阿里海牙來使乘傳前去。其人有馬七足。始置于此。却令阿里海牙照數給與之。奉旨準。十二月十日。丞相不魯迷失海牙。參政拜杭等。奏火魯火孫在省之時。欽領鋪馬聖旨一百七十三道。因公給發一百五十八道未回。今及年終。見議差官踈決罪囚。復有其餘庶務。必伏鋪馬劄子馳驛。乞給發事。奉旨與之。二十五日。中書參知政事撒的迷失帖木兒等。奏鄂州行省言。元頒鋪馬聖旨內。阿里海牙賚去者有之。以他事遣使者有之。伏慮分張不敷。請將起馬三足。劄子五道。

回易一疋者五道。二疋者五道。上日與之。二十二年正月七日。樞密院副使吟荅等奏諸侯王阿只吉言請於別失八里立站以便使客來往。奏准。通政院欽依。以是年立別失八里站赤。置馬六十疋。牛驢各二十五隻。歲支首思羊一百口。解渴酒一千五百升。各給價錢買備。仍與鈔六百錠。規運息錢以供後來之費。都省准擬。四月二日。中書右丞相不魯迷失海牙等奏陝西行省并各處宣慰司。行工部等處請給鋪馬二百三十二疋。從之。總給鋪馬二百三十二匹。計劄子一百二十六道。一陝西行省起馬五十匹。計劄子一十九道。內五匹者三道。四匹者二道。三匹者四道。二疋者五道。一疋者五道。一各處宣慰司每處起馬一十疋。計劄子七道。總計八處起馬八十疋。劄子五十六道。甘肅宣慰司。成都路宣慰司。湖北道宣慰司。江西道宣慰司。浙西道宣慰司。燕南河北道宣慰司。河東山西道宣慰司。山東東西道宣慰司。一行工部每處起馬一十疋。計劄子七道。內二疋者三道。一疋者四道。總計三處劄子二十一道。浙江行工部。江西行工部。荆湖行工部。一大司農司起馬一十五疋。計劄子八道。內三疋者二道。二疋者三道。一疋者三道。一慶元都提舉暗都刺昔思之任。馬四疋。計劄子一道。一濟寧漕運司起馬五疋。劄子四道。內二疋者

一道。一匹者三道。一順元路宣慰司。增起馬三匹。劄子三道。一上都留守司。增起馬六匹。劄子六道。一遼陽道宣慰司。回易所收開元宣慰司鋪馬四匹。劄子三道。內二匹者一道。一匹者二道。一雷州總管田任之任七十餘里。以邊遠故。許起馬四匹。劄子一道。一玉速帖木兒大夫授下全州。達魯花赤。忽魯等之任。鋪馬九匹。劄子二道。全州路達魯花赤。充忽魯。馬四匹。縣達魯花赤。二匹。馬五匹。一水相相威江淮行省之任。馬十五匹。劄子一道。一董叅政江淮行省之任。馬七匹。劄子一道。是月中書省。準雲南諸路行中書省咨。中慶路申至元五年間。前宣慰都元帥寶合丁。設立站赤時。將各戶合著差發。補買馬匹。所種地畝稅糧。就充往來使臣人負。祇應米麩杯酒。并鋪馬料粟等。自收自支用度。本省所轄路分民戶散漫。每歲差發課程數少。及有拖欠。不能盡實到官。即目雲南王領兵征緬。所用軍需支持浩大。尚自不敷。緣腹裏站戶。止免各戶差發。自備鋪馬。官給支應。合着地稅却赴官倉送納。此間站戶差稅。除免自收自支。即與腹裏事體不同。如準依舊。止令站戶將合納稅糧就充祇應。官民皆便。準此。撒里等奏奉聖旨。準。中書省回咨雲南省。欽依去訖。十一月六日。刺迓奏在先。赴雲南有二道。事不急者由水站。急者取道建都。

今一切便臣皆往建都道。站中鋪馬十匹二十匹。多者止三十匹。使臣既多。站亦消乏。四州建都雲南站馬。乞增作五十六七十匹。差人前去措辦。奉聖旨準。十二月三日。中書叅知政事禿魯花鐵木兒桑哥等。奏舊制遠方之任官。負許給鋪馬可否。乞聖裁。上曰。與之。二十三年四月四日。叅政禿魯花鐵木兒。奏也先鐵木兒。鐵木兒不花兩界。其間烏蒙地可立站。一站用馬十五匹可也。奉旨立站。則是但肯從其言立之乎。如何則可立。可與共論之。是日中書省奏準事理。一福建東京兩行省。各給兩牌二面。一奧魯赤出使交趾。先給圖牌二面。今再增二面於脫歡太子位下給發。一南京行省起馬三十匹。給圓牌二面。一朔立三處宣慰司。合給劄子起馬三十匹。六月十二日。中書平章政事阿必夫哈忽都等。奏納速刺丁孛家之官。請給鋪馬二十匹。奉旨與之。二十八日。通政院。奏邇者隨路拘刷驕馬。都省定擬令站戶。每人存留馬兩匹。餘者皆拘入官。一戶兩馬當站。竊恐不敷。臣與王速鐵木兒等官議。每戶存馬三匹。餘者入官。奉旨三匹尚少。增之可也。對曰。今存四匹足矣。奉旨準。七月三日。通政院。奏大都上都兩路當站者。苦言在先和顧和買。不料站戶。止令自備飲簪。祇待使臣。去年改定官給祇應。令站戶例當和顧買之役。有

司又復欺隱官錢。全不支與。是以困乏。請從先例。站戶出備祗應與免和顧和買及其餘差役。庶得官民兩便。奉旨準。十三日。御史大夫玉速鐵木兒。中書平章政事忽都等。奏和林宣慰司言。諸侯王使臣經過者多。請給祗應首思錢五千錠。奉旨勿與之食粥可也。八月二日。江西行省遣宣使魏義翼等。解寶鈔一十萬錠。金銀諸物。限九月終至都。來咨已達。官物不到。部省移準行省咨。該竊慮所過水陸途程。應付脚力遲滯。是致耽悞。既而魏義翼等。押物赴官收貯外。省部議得各處行省宣慰司。每歲起納錢物數多。其經過官司。為無統攝。不即應付脚力。停滯來便五七日。方得起行。耽悞未便。通行合屬。今後如承前路官司公文。逆運官物。即仰本處正官一負。措備水陸車船。隨時接運。毋致留難。如押運人負到部。告言稽滯去處。罪在當該正官首領官吏。九月十九日。中書平章政事薛徹干。左丞鐵木兒等。奏前者省臣阿合馬等。定擬邊遠官負。憑省劄乘傳。既而火魯火孫。奏給起馬聖旨。今來議得劄子文字。既定其名。比至回納。恐不可復用。莫若以省庫所存劄子一百道。頒給遠方。庶官於省劄書上其姓名。將來回納。劄子又可別給。奉旨準。十二月十一日。中書左丞鐵木兒。奏起補馬者。已降給聖旨。其從水驛乘舟者。若例與聖旨。竊恐太多。宜今

中書省移文起遣。上從之。十三日火兒赤塔里牙赤等奏闊闊你敦。今赴哈刺章行省請給鋪馬。往者脫鐵木兒去時給馬三十匹。數涉太多。乞與二十匹。奉旨準。二十四年閏二月二十八日。平章政事桑哥。右丞阿魯渾撒里等。奏前者八兒思赤烏馬兒。來自河西務為無驛傳。奪乘民馬。以此奏準聖旨。議立站赤。今乞令通政院官分撥鋪馬。或十匹。或二十匹。於河西務伺候。不須立站。上從之。三月中書省會驗各處站赤鋪馬瘦弱。司驛者不得其人。館內鋪陳什物。闕損祇應。首思失悞。蓋是已委正官怠於提調。以致此弊。劄付兵部。通行合屬督責。已委正官親行提調。點視完備。仍選信實之人當館。從朝抵暮。專一祇待使臣。依例應付。首思毋致除剋冒破。仍令本道宣慰司。即便差官往來點勘。如有失悞。怠慢去處。取提調官招伏關部呈省。其餘人負。就便斷罪。四月二日。叅知政事忻都等。奏先給尚書省鋪馬聖旨一百五十道。即今發遣已盡。請增給一百五十道。奉旨準。遂給起馬五匹者五道。四匹者五道。三匹者三十道。二匹者五十道。一匹者六十道。十八日怯里馬赤阿散。奏腹裏州城軍民官。每日迎送往來使臣。曠失公事。合無令都省定擬。移文省諭。凡降聖旨至某處城邑開讀。其本處軍民官須令迎送。其餘往來經過免

令迎送。似為便益。聖旨若曰。諸使臣復令迎接見於公文者。書其姓名來上。都省。欽依。移咨各省施行。二十五日。尚書省定擬廩給司。久館使臣。依例。令道政院兵部一同分揀起數。行移合屬。依例支給。廩給司支八起。一拜八千戶子母二人。一阿魯渾大王下使臣寄住馬。奉聖旨賜。亡宋宮女朱氲氲等三人。及從者一名。一回回太醫也薛哈欽四人。一熬沙糖倒兀等二十七名。一海都大王位下小云赤二人。一蒙古生負三十名。一高麗公主下王按等四十人。內親屬三十四口。驅六口。一賽因不花大王遺下唆郎哈真等四人。戶部支鹽糧五起。一織佛人匠李元傑等二十人。內大一十五口。小五口。一回回砲手闊里吉思等八人。一太史院鄒子龍田惟詔等三十二人。一日本國引道人烏馬兒荅刺冲近先等四十一人。一日本國引道葉茂盛等五人。分今各衙門區處八起。宣徽院二起。照御花園子例。一栽種萋藤阿亦伯下刺真昔蘭等四人。一栽種沙糖的等八人。太醫院二起。一編修本草劉仲思正從各一名。一編脩本草潘嚴杜章王彬等三人。詹事院四起。除學生隸國子學外。同本投下怯憐口。一學生蔣武子一名。一彈絃子八的魯四等四人。一緬人馬馬撒等五人。一緬人撒蠻

答速等一百四十人。住支一回回陰陽人阿倫一名。一開硬弓八里彎一名。是月濟州泗汶漕運司言催運南糧人負。合給站船差劄二道事。通政院謂鋪馬站船即係一體。合降御寶聖旨為便。中書省照擬站船。從省劄發遣。已有奏準定制。除依上出給站船差劄二道。各船一艘。仰發濟州泗汶漕運司收用施行。五月十一日。省臣桑哥奏面京豐州亦剌真站廢弛。有司請給鈔整治。臣等議得支錢買馬。豈不遲悞。乞從都省通政院差官前去西京於刷到馬羣內。支六十匹當站。似為便益。上從之。十二日尚書省奏大都館驛久留使臣數多。請罷祇應。各與米糧。奉旨準。都省欽依。分別人數放支訖。十三日丞相桑哥奏揚州省忙古解言。徐州至揚州水馬站。兩各分置。夏月水潦滿道。鋪馬使臣勞苦。又因屯田修築堤堰。凹洼聚水之地甚多。請徙馬站附併水站一處安置。馳驛者白日馬行。夜則經由水路。況站戶皆是水濱居住者。庶幾官民兩便。可否取裁制可。七月二十四日。參議中書省事阿散等奏準應付雲南四川甘肅福建兩廣之任官負鋪馬。遍行照會。同日阿散復奏。尚書省平章政事桑哥言中興路陝西行省廣東宣慰司。沙不丁等官。未給鋪馬聖旨。以是來請。臣等今議與之。奉旨準。沙不丁烏馬兒各給起馬二匹。劄子二道。一

匹者二道。廣東市舶司一匹者。五道。鳳翔府一匹者。一道。中興路一匹者。三道。十月六日。平章政事素哥等奏。去年和林宣慰司。請給諸侯王使臣祗應錢五千錠。上命勿與。止命食粥。今北安王甘麻剌太子大王駙馬。復請祗應奉旨勿與之食粥可也。是月尚書省定議。高麗老公主下王。俟以下親屬三十三名。奴六口。內正十名。擬支羊肉五斤。其餘依元定減半。驗月日支付親屬三十三名。日支總計羊肉五斤。麪一十六斤半。粳米一斗六升半。柴一十六束半。鈔七錢。奴六口。日支米六升。二十五年正月。兵部據各路申。近年以來。田禾不收。百物踴貴。及有初立水陸站赤去處。祗應繁重。已撥額鈔不足支用。以致科借於民。其呈都省。照得腹裏路分。年銷祗應錢不敷。已擬增作鈔七千一百六十九錠。至元二十三年為始。分上下半年預期。關撥去訖。今據見申。既是元降額鈔七千一百六十九錠。委是不足祗應。今驗驛程緩急。從新增鈔三千九百八十一錠。自今年為始。周歲總定額中統鈔一萬一千一百五十錠。仍分上下半年預期撥降合屬。從實銷用。年終通算。不得科借於民。總計三十八路。直隸省部四路。保定路周歲額撥中統鈔八百錠。元額四百錠。今增四百錠。河間路周歲額撥中統鈔七百錠。元額五百錠。今增二百錠。平灤路周歲額撥中

統鈔二百三十錠。元額一百八十錠。今增五十錠。隆興路周歲額撥中統鈔三百五十錠。元額鈔三百鈔。今增鈔五十錠。南京等路宣慰司所轄五路。南京路周歲額撥鈔九百錠。元額鈔五百錠。今增鈔四百錠。河南府周歲額撥鈔一百三十錠。元額鈔一百一十五錠。今增一十五錠。歸德府周歲額撥中統鈔二百五十錠。元額鈔一百五十錠。今增一百錠。南陽府周歲額撥鈔一百二十錠。元額鈔一百錠。今增二十錠。襄陽路周歲額撥鈔七十錠。元額鈔五十錠。今增二十錠。燕南河北道宣慰司所轄九路。真定路周歲額撥鈔一千八百錠。元額鈔一千錠。今增八百錠。順德路周歲額撥鈔一百三十錠。元額鈔一百錠。今增三十錠。廣平路周歲額撥鈔一百五十錠。元額鈔一百錠。今增五十錠。彰州路周歲額撥鈔一百錠。元額鈔一百錠。額鈔八十錠。今增八十錠。衛輝路周歲額撥鈔一百五十錠。元額鈔一百錠。今增五十錠。大名路周歲額撥鈔一百二十錠。元額鈔七十錠。今增五十錠。恩州周歲額撥鈔二十五錠。元額鈔一十九錠。今增六錠。懷蓋路周歲額撥鈔七十五錠。元額鈔五十五錠。今增二十錠。冠州周歲額撥鈔一十錠。河東山西道宣慰司所轄三路。西京路周歲額撥鈔一千五百錠。元額鈔一千錠。今增五百錠。平陽路額撥鈔八百錠。元額鈔五百錠。今增

三百錠。太原路周歲額撥鈔七百錠。元額鈔四百錠。今增三百錠。山東東西道宣慰司所轄一十二路。東平路周歲額撥鈔二百錠。元額鈔一百五十錠。今增五十錠。濟寧路周歲額撥鈔二百錠。元額鈔一百二十錠。今增八十錠。益都路周歲額撥鈔一百七十錠。元額鈔一百五十錠。今增二十錠。濟南路周歲額撥鈔一百錠。元額鈔八十錠。今增二十錠。東昌路周歲額撥鈔一百錠。元額鈔六十錠。今增四十錠。般陽路周歲額撥鈔五十錠。元額鈔四十錠。今增一十錠。濮陽路周歲額撥鈔四十五錠。元額鈔三十錠。今增一十五錠。高唐州周歲額撥鈔三十錠。元額鈔二十五錠。今增五錠。德州周歲額撥鈔三十錠。元額鈔二十錠。今增一十錠。曹州周歲額撥鈔三十錠。泰安州周歲元額鈔三十錠。寧海州周歲元額鈔五錠。遼陽等處行尚書省所轄五路。東京路周歲額撥鈔一百八十錠。元額鈔一百三十錠。今增五十錠。北京路周歲額撥鈔八百錠。元額鈔五百錠。今增三百錠。安撫高麗總管府周歲元額鈔三十錠。潘州高麗總管府周歲元額鈔一十五錠。遼東道宣慰司下開元路周歲元額鈔二十五錠。二十五日。通政院奏阿藍哈迹言中興府朶兒滅站麻沙應去里也孫帖里温五站富戶為鷹房捕獵官牧等戶。隱占者多。已議差官追理。據合諛補買馬

匹。其見戶雖稱不費官錢。自可應當。緣五站倒斃鋪馬。計二百有五匹。先例每年省降官錢補買。乞定擬。比及拘刷隱占站戶以來。預給價鈔補買。庶使站赤不致隳廢。上曰然。可遣人去者。都省通政院遣使。與甘肅行省。委官體覆各站。倒死鋪馬。就於本省參政迷兒火者。收買馬內。應付二百五匹。二月尚書省。奏陝西行省言所屬道通哈刺章緬國亦奚不薛之地。諸王公主駙馬使臣。經過頻數。馬多勞瘁。雖委各路官提調。而州縣無職此者。自今請擇一負兼董之臣等。議得各站遠離總管府者。誠有之。合令州縣達魯花赤長官提調為便。上曰可。是月尚書省。奏畏吾兒撒里。言南方置立馬站。每十戶七十石苗稅者。出馬一匹。免其一切差稅。有司容私僉撥納糧一百石。上下富戶以當站役。又或有一戶之稅。八石九石。而今當站赤。所有餘稅。將以他役及之。往往倚稱站戶。因而辭避。轉及下民。是故富者愈富。貧者愈貧。乞立法選委廉幹更事之人。與各路正官一負。協心分揀。以糧七十石。出馬一匹為則。或十石之下。八九戶共之。或二十石之上。兩三戶共之。惟求稅石。僅足當站之數。不致多餘。却免其一切雜泛差役。若有納糧百石之下。七十石之上。自請獨當站馬一匹者。收係為便。如此似望。江南賦役惟均。窮民不致失所。奉旨準。移文江淮行省。通

政院欽依施行。五月十三日。丞相桑哥等奏遼陽行省。元降聖旨起馬二十匹。今言所屬地廣。軍民事繁。請增給鋪馬事。臣等議增起馬二匹。劄子五道與之。奉旨準。是月尚書省參議哈散奏江南站赤內軍民官。託事止宿。以鋪馬芻粟飼養長行已馬。似此者多。上曰。不以何人。勿容安下。違者記名奏來。都省通政院通行照會。六月。河東山西道宣慰司言。晉陽驛久留使臣常食正從分例。實費官錢。開具到各各起數。請區處事。省部定議。令本後下官錢內自支應付。一王府官宋獨解等。正六人。從五人。鋪馬十匹。自至元十四年三月二十日到館。一筈撒下等。正二人。從一人。鋪馬三匹。自至元二十四年三月二十日到館。一閏興等。正一名。從二名。鋪馬三匹。自至元二十五年四月十四日到館。一泰不花等。正三名。從一名。鋪馬四匹。自至元二十五年四月十六日到館。一脫忽撒等。正二名。從一名。馬三匹。自至元十三年到館。一塔察兒。正一名。鋪馬一匹。自至元二十年到館。五年。一脫歡察兒。正二名。從一名。鋪馬三匹。自至元二十五年二月十八日到館。十四日通政院奏塔兒解言。曩者愛牙合赤位下。千戶仲思伯八叛。驛道不通。國使行遼坊州。始達其地。尋常計程不過三日。乃遲一月之久。是故軍政失誤。今一千戶之

叛者悉已降附。請以其民就便立站。少則僉戶補之。未知可否。上曰。塔塔兒解之言是也。可令彼省官同議立站事。通政院欽詳。彼方叛擾。方寧難俾站戶自備牛馬。擬從官給價鈔和買。應付後有倒死。今站戶補置。都省準擬。十七日忽剌忽兒等奏。今春為馬站消乏。曾遣幹羅茶兒前去整點。反命。果言站戶飢餒者衆。仰給富戶孳畜乳食。乞津濟物力。今議於闊里吉思城邑。支兩月口糧以濟飢者。其怯薛解合添物力。依已前各千戶分揀窮乏例。差人給賜之。乞降聖旨宣諭事。上準。都省劄付戶部放支。訖。是月兵部定擬平灤路行用庫副將引庫子赴省闕撥鈔本一千定。合今本路應付鋪馬一匹。都省準呈。七月尚書兵部會計各路祇應過諸王親行分例。內有續添人數。亦支其食。及不遵照宣徽院元定明文。過餘應付鷄鴈蜜酪果木茶食等物。自保定迤南路分所支羊酒米麪諸物。多於良鄉等驛。多破正從人數。復有不同。呈奉省劄分例之外。多破正從支訖飲食。擬就判置官吏追徵償官。是月中書平章政撒里等奏。哈刺所轄汝州蠻官自言歸順之後。歲書四川造船木板。至元二十一年。為省官侵害故關貢賦。今來願貢氈衫四百領。又四十六箇阿樓落冒高州上羅計下羅計等蠻官皆言。每年共入氈衫四百領。各請給驛。臣等議。氈衫八

百。每歲輸納合應付鋪馬一匹。奉旨準。九月四日。廣東道宣慰司月的
迷失。言撫州至潮州。經由汀梅徑道一千六百餘里。比之福建。近便七百
五十餘里。若於汀梅徑道立站。官民利便事。行省謂福建。江南廣東地面
已嘗差官約會。相視可立站赤去處。繪圖連咨請區處事。都省議得既經
相視汀梅徑道一十七處。準擬回咨。如委便當就於附近緩慢站內。量撥
驛馬安置。若有不敷。差撥相應戶計充之。十一月福建行省言。本道地
遠。庶官難於往復。雖給驛赴任。考滿回途。則以已馬長行。合無令沿路館
驛。應付飲食芻粟。請矜恤區處事。十三日尚書省奏。準聖旨。欽依定議。任
回官負人馬之數。咨福建行省。今後給憑書其官品人馬數目。所過城邑。
每起止支正分例一名。餘給粥飯。仍應付長行馬芻粟。如至所止。即於所
在官司繳納元憑解部。且如左方三品之上。正從不過五人。馬不過五匹。
四品五品正。從不過四人。馬不過四匹。六品至九品正。從不過三人。馬不
過三匹。令譯史通事宣使人等。正從不過二匹。十三日丞相索哥奏。元
給福建行省鋪馬聖旨二十四道。今為遣使繁多。起馬不足。伏請增給起
馬二匹。劄子六道。上從之。十九日丞相索哥等奏。除暗普充和林
宣慰副使。與哈刺幹脫赤共董稟粟之政。今言合用鋪馬。請給降聖旨事。

臣等議與起馬二匹。劄子二道。一匹者二道。六匹者四道。可否取裁。上曰可。二十六年正月二十二日。丞相桑哥等奏光祿寺合給鋪馬。今乞給發劄子一匹者三道。二匹者一道與之。奉旨準。二十八日。通政院欽奉聖旨。咸平府至聶延立一十五站。本院官與塔出同赴尚書省會議。每站置馬二十匹。給價和買。奏奉聖旨。就令塔出安置之。都省移咨遼陽行省。欽依施行。二月十六日。尚書省奏泉州至杭州陸路遠。寫外國使客進獻奇異物貨。勞民負荷。鋪馬多死。今有知海道者。沿海鎮守言蔡澤言。舊有二千水軍。合於海道起立水站。遞運免勞百姓。又可戢盜。可否取裁。上從之。事下江淮行省。欽依施行。訖。是月中書省據御史臺呈。按察司官分輪巡按。遍歷所管地面。如無馬站去處。就乘各州縣官負馬匹。依例更換。不得違悞。都省準擬。又台州路達魯花赤刺刺言。江南之任官。遐邇不通。不伴。已罷乘驛之例。至於兩廣福建江西湖南浙東等處。遠者數千里。梯山航水。况谿谷之間。素無邸店。居民聞馬嘶。輒閉戶。驚竄。不免宿於空屋。人馬飢困。或遇盜賊。輕則掠貨裝重。則致傷人命。今後乞令之任官。負宿頓館驛。給賜人馬食粟。庶免盜賊之害。浙東海右道提刑按察司以其言。迺聞都省議得。今後應赴任之官。徑之任所。自起程。官司辨驗。各官新授。

宣勅許於館驛安下。驗坐去品給實。有人口應付粥飯。仍行移前路官司。依上施行。已準給驛者。不在此例。通行各路施行。三品不過五人。四品五品不過四人。六品至九品不過三人。三月二十日。尚書阿難答等。奏給海道運糧萬戶府鋪馬聖旨五道。起馬五匹。奉旨與之。四月二日。尚書阿難答。奏準事理。一四川紹慶路。給降鋪馬劄子二道。每道起馬一匹。一四川成都府。給降鋪馬劄子六道。內一道起馬三匹。二道各起馬二匹。三道各起馬一匹。二十六日。平章阿魯渾撒里等。奏準事理。一龍興行省。起運米糧。纒帛衣甲。及以軍情馳驛者多。增給鋪馬聖旨五道。起馬五疋。一太原府宣慰司。及儲峙提舉司。所供新城靜州。及沙井軍糧公事。給驛實繁。擬給鋪馬聖旨二道。起馬二匹。五月五日。中書省議擬整治站赤。劄付兵部施行如左。一樞密院札魯忽赤御史臺。及各處行省遣使給驛。比之都省起馬居多。今後量事省減。毋令多附行李。越次選馬。非急速事。不得馳驟。一常使并回程者。走損鋪馬。已嘗禁治。今後非軍情急務。馳騁鋪馬損斃。仰驛官具姓名申上。以憑追究。仍分別回使之閑慢者。從水驛舟行。一管站人負。凡在官者。不得承攬站戶當役馬匹。取歛芻粟錢物。違者罪之。一路府州縣提調正官。及諸在官者。

多以駕鈍馬疋。換易站馬。致令人戶消乏。今後犯者。嚴行追斷。是月中書省標撥大都。成東北無主荒地五十六頃三十畝。付大都站以充鋪馬芻牧之地。又兵部尚書桑哥言。因公自良鄉站回還。據站官告稱。諸使臣到站。皆需羊肉。不食猪肉。倘不如命。動遭箠詈。稟奉都堂鈞旨。除隨朝出使人員。及諸王駙馬大官經過。應付羊肉。餘使各支猪肉。行移遍諭。依上施行。六月三日。丞相桑哥等。奏李陵臺站赤。官吏犯賊追鈔二百三十錠。合無就此錢。令通政院給付本驛。以供使臣祗應之用。奉旨準。七月十二日。都省所委官都漕運副使馬之真。呈開臨清等處河道已通。先於二十三年九月。省委兵部員外郎添置宿遷。呂梁。沛縣。濟州。至東阿水站。每一大站。置五十料船五十艘。逆運物貨。遠者相去二百餘里。兩大神站之間。又立二小站。各置二三十料船六七艘。遠者相去八九十里。近者六七十里。今新河已成。擬將亭子站船一十七艘。徙置固賢村。東阿站船十艘。徙置周家店西。每處增三十料船二艘。該一十戶。五十料船五十艘。每艘該七戶。計三百五十戶。二料號船。總用三百六十戶。及於清平縣界。曲呂店西南立一小站。置三十料船一十七艘。徙臨清大小站船四十隻。於草廟兒安置。革罷臨清站車五輛六十五戶。擇其近上者以充船戶。就

以官降車驢價鈔。回易增置站船祗應。起蓋館舍。比及完備。預將亭子東阿站船。移於小固賢村。周家店安置。以應卒用。開具改移添剗水站地里船數。請照詳事。都省準擬與通政院。差官下合屬標撥安置訖。八月二十八日。尚書阿難荅等。奏準。一給遼東宣慰司。鋪馬聖旨五道。各起馬一匹。一給大理金齒宣慰司。鋪馬聖旨四道。內三道各起馬一匹。一道起馬二匹。是日阿難荅參議中書省事阿散等。奏遼陽行省闕少圓牌給驛。請發兩面與之。奉旨不須給。今後但遵賫牌定制。酌量公事地理隨數起馬。執憑印信省劄行之可也。九月二十五日。尚書忽都荅兒等。奏準三事如左。一西京宣慰司。至元二十三年。已頒鋪馬聖旨。起馬一十五匹。今言闕少。擬增劄子五道。各起馬一匹。一江淮行省所轄浙東道宣慰司。增給劄子三道。各起馬一匹。一江淮行省所轄紹興路總管府。給降鋪馬劄子二道。各起馬一匹。是日又奏甘肅行省。所轄亦集乃總管府。沙州。肅州。三路遣使頻繁。未給鋪馬聖旨圓牌。今乞給鋪馬劄子六道。合起馬一匹。圓牌不須應付。奉旨準。十月尚書兵部。查照至元四年。各路報到宿頓。使臣用過分例數內。有規運本投下官錢。并醫工校尉還家取妻孥。僧道降香抄化。及賫遠年文憑之類。其有本投下催取稅租使

臣人負。即係公差。合無準筭。或止準正三二名。餘皆準作粥飯。具呈照詳。都省議得。此等已支數目。難以準筭。其各投下公差人負支訖。依準本部所擬。止準正三二名。餘皆準作粥飯。今後諸王令旨。公差乘坐長行馬使。每起應付正一名。從不過二名。行移合屬。照會施行。十一月二十一日。丞相桑哥等。奏遠方赴任。例給鋪馬聖旨。即今差遣實繁。劄子闕少。乞預書起馬二匹。劄子二十五道。三匹劄子二十五道。以備給發邊遠赴任官員之用。奉旨準。是日丞相桑哥等。奉準增給甘肅行省鋪馬聖旨七道。各起馬一匹。十二月兵部據秦王府典食司言。為管領河南等路。打捕鷹房魚泊水陸地土山場洞冶。提舉王興所辦精饌。褻猪魚鮓馬鞍鷹鷄等物。啓奉按攤不花。太子令旨。令河南宣慰司依例應付鋪馬。本司照得。至元二十二年二月。王興進納本位下物色。已經陝西漢中道宣慰司。下南京路應付起運。今請依例事。本部照得河南等路宣慰司。至陝西地里別無站車。但凡迤運脚力。必須支用官錢。况至元十四年二十五年。運物脚錢卷內。又無應付過王興運物脚力。呈奉都省定擬。令本位下提領人負。自備起運。移河南等路宣慰司。照驗施行。是年帖里干亦乞列速哥察兒。以至哈兒撒脫坤等。二十七站消乏。通政院呈擬。每站增馬

十疋。和買達達車十輛。都省準擬給散乞。達達車八百一十輛。該價錢中統鈔四百五十一錠。二十二兩。馬二百七十匹。又濟寧路申站戶丁哇兒。元係軍丁事。初丁哇兒父丁善。係滕州滕縣民籍。戊午年。僉充正軍。以張文貼役。己未年。丁善年老子幼。盡以田產孳畜付於張文。為主當軍。哇兒未嘗津貼錢物。至元元年。丁哇兒徙居魚臺縣。七年。收作見戶當差。十二年。僉充胡陵村站役。不謂張文於至元八年。收繫哇兒姓名入於軍籍。兵部議得張文既承丁善物業當軍。其子丁哇兒。又經別籍僉充站戶。兩無所事。合準已籍為定。各當軍站。都省準擬。遍行合屬照會。二十七年正月十日。通政院按圖呈奏。南京至正陽站。杞縣睢州等四十站。中牟鄭州等四站。唐州鄆州等四站。一歲之間。除按察司巡歷刷卷過者一二。餘無使臣往來。令乞罷去。增置南京至蔡州站車。却以剩餘站戶馬匹。撥付東面水站。添辦站船。似為便益。奉旨是矣。其從之。中書委官將革罷馬站二千五百二十六戶。增撥入歸德等處水站。汴梁等車站。入役外。有餘戶六百二十五戶。收係為民。十二日。丞相桑哥。平章政事鐵木兒等。奏陝西行省。近為運輸甘州糧儲。和買馬匹等事。給驛實繁。請增起馬。聖旨一十道。臣等以為所請太多。乞隣劄子五道。各起馬一匹。奉旨準。二月

六日叅政阿散等奏都省遣使實多鋪馬。劄子闕少。請增起馬。聖旨一百五十道內一百道各起馬一匹。五十道各起馬二匹。上從之。十二日尚書阿難答叅議阿散等奏。準增給江淮行省鋪馬。聖旨一十五道內十道各起馬一疋。五道各起馬二疋。三月甘肅行省言。請於因塔蘭之地暫置腰站。和買駱駝三十隻。馬二十匹。接應走遞。都省準擬回咨施行。四月四川行省備右丞耶律禿滿答兒言。竊見烏蒙迤北土獠。水道險惡。覆壞船隻。黎雅站道。烟瘴生發。所過使臣艱難。人馬死損。本省南接雲南所管普安路。見立馬站。東建辰沅靖州站。亦已嘗令總把孟臯直抵雲南湖廣兩省。立站地界。相視得普安路迤東羅殿貴州葛龍。俱係歸附蠻夷。隸屬四川省管下。可以安立四站。接連湖廣省所轄新添地面。安立一站。至黃平鎮遠通辰沅靖州。常行站道。以達江陵路。觀其山勢少通。道徑平穩。又係出馬去處。比之黎雅烏蒙驛路。捷近二千餘里。如將雲南站道。改由江陵路通行。若有綱運輜重物貨。依舊於烏蒙水站。遞送四川站。亦稍得甦息。却以黎雅等處。罷閑鋪馬五百餘匹。站戶一萬五千餘丁。屯田納糧。或克益夫辨課。誠為便益。二十七日。中書叅政刺真。叅議哈答等具奏。且乞遣使詣雲南湖廣行省。詳度可否。然後施行。奉聖旨。準。都省欽依。遣使




詣各省會議去訖。六月二十四日。丞相桑哥等。奏僧哥必刺蠻二人。泉州得希奇物貨進獻。有司不給鋪馬。以是來請。臣等議乞進送物貨。從本處官司斟酌頭匹逆運。移文遵守。奉旨準。三十日。叅議阿散等。奏見立營田提舉司。管領江南僧寺錢糧事。凡有遣使必須乘驛。請給鋪馬。聖旨。二道各起馬一匹。奉旨準。七月。通政院言出使人負到站。非理撻辱。站官頭目人等。致令懼避。因而遲悞。擬令使臣到站。站官失悞。鋪馬首思。取招呈省。申院科罪。無故不得葺撻。站官仍鈐束管站人負。常切在站。祇應行省路分。就便行移禁約。都省準擬通行。八月一日。遼陽行省所轄澄州站戶。李小三。金龍伊。自言貧乏。不堪當役。有司移準按察司。體覆相同。行省議於相應戶內補換。都省送兵部。議得既經憲司體覆。宜準行省所擬僉戶補換。今李小三等為民當差。都省從之。是日尚書阿難荅。叅議阿散等。奏陝西行省言前者委田忙古解提調。採取斗子鹽。歲進一千斤來上。所執馱鹽鋪馬一十三匹。聖旨上書其姓名。今田忙古解以罪被黜。而按禿俺卜實代之。比及運鹽起朝。請更名區處事。臣等議得田忙古解既有罪。按禿俺卜二人名字合換。聖旨使之運送相應。上從之。又奏甘肅行省言甘州兩經抄籍。站戶計一千六百戶。中統元年。直渾都海軍興

逃散。及僉充禿魯花并僧人諸色隱占外。實有一百六十二戶當站。竊見幹魯思納憐臘脂城三處。俱係邊遠沙磧之地。即目迤運軍器米糧數多。請照寧夏府伯伯阿立八。即奏準定制。將各投下及諸人隱占站戶。回付當站。似望官事協濟。奏旨若曰。前者朕命收拾。已行文書問於屬吏。可知矣。都省欽遵。移文施行。訖。又奏真定路管祇應首思人崔祐。告言因公借訖民錢六千四百七十八錠。穀四萬三千五百三十五石。應付祇待。不蒙上司給付。以致鬻產償納。猶且不敷。去年上位御幹魯茶北王甸中。其人告奉聖旨。中書省果無錢。令桑哥與之。今中書議真定路官吏百姓。逋負係官錢糧頗多。又是阿合馬當國時所行事。他路似此借貸錢糧。皆無回與之例。若擬回付。恐有倣效。又况錢物數多。不支為愈。奉旨物回與之。十七日尚書阿難答都事。別不花等。奏平章沙不丁。上言今年三月奉旨遣兀魯解阿必失呵火者。取道馬八兒往阿魯渾大王位下。同行一百六十人。內九十人已支分例。餘七十人聞是諸官所贈遺。及買得者。乞不給分例口糧。奉旨勿與之。九月都省議下通政院。行移各道宣慰司總管府。令提調正官親詣各驛整點馬匹。須要肥壯。鞍轡苦羶繩索。館舍陳設。並須完備。有不如法。或失誤驛傳祇待。騷擾站赤者。當該及提調

官吏皆有罪。十一日丞相桑哥等奏江淮省所轄徽州路水道不通。合給鋪馬走遞。請降聖旨二道。各起馬一匹。奉旨準。十一月十一日。丞相桑哥等奏閩里吉思投下軍士。於貢定府飛放徵取站赤飲食芻粟。撒里奏奉聖旨拘執前來。食訖之物。勒其償納。今其人合無發還閩里思投下。奉旨賠償之後。可諭閩里吉思知之。十二月二十六日。丞相桑哥等奏只兒哈忽言前年秋。以忙吉兒禿之掃里牧地。給佃歲賦粟麥四百二十石。今彼處站赤人馬闕乏糧斛。請以所賦地租與之。上準奏。

永樂大典卷之一萬九千四百十八



永樂大典卷之一萬九千四百十九

二十二勘

站 站赤四

經世大典至元二十八年三月十七日。雲南行省言中慶經由羅羅斯通接成都陸路。見立納憐等二十四站。其相公嶺雪山。大渡河。毒龍瘴氣金沙江烟嵐。自建都武定等路。分立站赤。夏月人馬不能安止。中慶至烏蒙路。結吉舊路。陸站一十一所。山路脩阻。泥潦難行。業稍填水。至叙州四站。江河險惡。舡隻不可進。本省差官。歷視得中慶。由必畔至烏蒙。結吉站路平且近。可設七站。預為措置。定立外土。獠蠻道通。烏蒙路面。華帖監井。必撒老雅乙抹。分立陸路四站。又接連叙州管下。慶符縣合立陸路一站。無問冬夏。使臣馳驛前來。雲南別無煙瘴險阻。比之納憐舊站。便捷多矣。俟開通之後。却將大渡河羅羅斯舊。立納憐站赤。約量存留。實是便益。得此。都省照得二十七年。四川省右丞耶律禿滿答兒。所言之事。併令撒里蠻刺臣等官。按圖呈奏。前事奉旨。若曰。既圖中道路便益。可依所議。安立之。都省欽依。移咨各省施行。是月江淮行省備行泉府司。言蔡澤始陳

海道立站。摘撥水軍。招募稍碇。差設頭目。準備每歲下番使臣。進貢希奇物貨。及巡捕盜賊。且省陸路遞送之勞。以此奏準設置。今本省再令知海道人。慶元路總管府海船萬戶張文虎。講究得下番使臣進貢物貨。蓋不常有。一歲之間。唯六七月可以順行。餘月風信不便。莫若將福建海站船隻。撥隸本處管軍萬戶府。其在浙東者。隸於沿海管軍上萬戶提調。聽令從長區處。以速就近。屯住兵船。遇有使客進貢物貨。自泉州發船。上下接遞。以致杭州常加整治。頭目軍器兵仗。船舶於沿海等處。巡邏寇盜。防護商民。暇日守鎮陸地。俱無防礙。公私順便。所據海站不須設置。都省準擬。奏奉聖旨。令罷去之。又山東東西道宣慰司。呈乞禁治出使人員。於不設站亦去處。換乘鋪馬。取要祗應事。都省準呈。送刑部通行。若出使人員。於不設站亦去處。經行無得應付馬匹飲食。如違。即仰具名來上。以憑科罪。二十五日。尚書省定擬見欽奉詔書內一款。差出使臣飲食。已有定例。在前官司給降錢數不足。其間官吏又有剋除。致令社長大戶輪番祗待。百姓深以為苦。今後合該鈔數。以時從實給放。毋得斂及百姓。欽此。除至元二十八年。春夏二季鈔五千五百錠。已支外。今續支中統鈔五千五百錠。照依坐去事理施行。一見發鈔數。驗驛程。緩劇均散。毋致剋減。

比及支盡。預期申請。不得科歛於民。一祇應合用諸物。預須趁時準備。務省官錢。一司祇應者。月報元收已支之數。若有不應。即勒當該人償官。一司祇應者。多餘破用。及使臣橫取者。具名申上司區處。仍從按察司糾彈。一支銷之外。見在數目。從本路正官常加檢照。五月十七日。中書平章政事麥木丁不忽木等。奏近除朶兒赤為甘肅行省左丞。本官自福建遣人乘驛先期而來。附馱至元鈔三百錠。為東平府脫脫木孫拘糾。何以處之。取自聖裁。奉旨可令回與。是月兵部呈保定路至元二十四年。二十五年。二十六年。祇應錢糧。借支民間鈔三千三百六十錠。三十兩五錢。粟二百六十五石二斗六升一合。草三千三十九束。未曾撥降給主事。都省議得隨路亦有自此錢糧。俱不撥降。送兵部照會。六月漢中道按察司言。延州。綏德州。米脂。葭州。神木。府谷。縣等。俱非驛程。亦無站赤。祇應其往來使臣。不由驛路。取徑經過。威逼官司。取給舖馬分例。站戶因而消乏。所合禁約使臣。今後毋令於僻路州縣經過。庶望官吏無擾。人戶稍安。臺省準擬。遍行禁約訖。是月監察御史察知昌平等站。濫設站官。百戶。司吏。提控。總把。庫子等人。御史臺呈省區處禁革。都省議得隨處站官。擬設二員。大都至上都置司吏三名。餘設二名。祇應頭目攢典各一名。

站戶及百者。設百戶一名。俱要詢衆公選廉慎行止。不過犯相應人負補充。其餘濫設人數。截日悉革。為例通行訖。七月二十一日。通政院奏隨路站赤。雖今達魯花赤總管府專一提調。而州府司縣官司。又復椿配站戶和雇和買。雜泛差役。比之民戶尤甚騷擾。莫若令路府州縣達魯花赤長官。依軍戶體例兼管。站赤與魯。非奉通政院明文。不得擅科差役。任滿俱解申院。似望管民官撫安站戶。奉聖旨所言誠善。其行之。具呈都省。欽依通行訖。二十四日。通政院言肅州站赤。係邊遠之地。比年田禾不收。應役頻併。請除站戶和雇和買。雜泛差役。都省議得和雇和買。已有定例。雜泛差役。毋令科配。送兵部行移合屬照會。二十五日。中書省據御史臺呈體知雲南行尚書省。見欽領差使鋪馬御寶聖旨三十七道。該馬一百二十九匹。又敬領雲南王令旨一百七十道。馬二百九十五匹。通計馬四百二十四匹。數多。若不呈納。雲南行省往往差遣任滿罷閑求嗣官員。因幹私已。勾當指稱別項差使。濫給鋪馬起數。以致各處站赤鋪馬祇應生受。得此。都省議得除元降差使鋪馬外。據雲南王令旨擬合拘收。移咨雲南行省拘收去訖。是月徐邳州脫脫禾孫言。朝省諸衙門遣使乘驛多裝行李。若有私已物貨。未敢驗視。通政院定擬。今後各處行省。凡有起

運諸物於押運官差劄內。明白開寫起運物色。囊橐數目。似望防禁私弊。易為盤驗者。省準擬通行訖。八月二十五日。刑部呈差奏差赴檀州審囚。乘常行馬匹。關兵部應付飲食。本部以為別無呈準。都省明文。難即區處。緣遣使宿頓。合用粥食。理宜應付。庶免稽滯。乞照驗都省。送兵部行移各部。若有必合公差人負。呈稟以行。是月通政院奉省劄。兵部呈擬大都站戶。自備首思。即與關撥係官。祇應錢糧。站赤上下承接。合通行照算事。都省議得。既是站戶自備首思。本部不須會計。令通政院移文各站。但凡祇應使臣置曆書計。本院嚴加檢察。毋致頭目人等。多科侵貸作弊。違者究治。又通政院言大都站戶。自備首思。合無從本院會計。都省議得。站戶自備首思。不須理算。但令置籍附寫。從本院檢察頭目人等。毋得多取侵借。九月十五日。中書平章政事不忽木等。奏也先鉄木兒言。黃河東南站赤四五戶。共備一馬。黃河西北安西府等處。每一戶養馬四五匹。誠有偏負。歷年既久。人戶苦之。請依例增戶。免致站赤隳廢。臣以為在先立站。不知如何區處。合無差官與陝西省官。覆實分揀。定擬整治之方。至日別奏奉旨準。且曰。站赤毋令斷絕可也。二十日月兒魯字羅解哈答暗伯。奏奉聖旨。令中書省官。定擬於乞里吉思以至外刺之地。起立六站。

數內乞里吉思帖烈。因禿憨哈那思外刺四處各設一站。兀兒速設二站。每站各置驛馬三十匹。牝馬一十匹。羊五十口。今該價錢與之。中書省欽遵移文通政院兵部施行。二十三日。中書省據御史臺呈。陝西漢中道提刑按察司僉事暢師文言。體知諸官府出使。元人負多。係土居營構。馳驛到家。託故逗留。遷延歲月。每日支取正從分例。羈繫鋪馬。彼既貪冒無耻。所司又不究劾。濫用年銷官錢。有違諸路通例。今後凡有此等出使人員。本處有家不居館驛者。止令支下馬祗應。次日不須應付。如或過取濫給。追陪還官。日會不足。歲計有餘。亦省費節用之一端也。緣干諸路為例事理。迺聞于朝。請區處事。都省準擬。劄付兵部通行合屬依上施行。十月五日。丞相完澤。平章政事不忽木。奏江淮行省言行泉府司。見收圓牌二面。復有舖馬聖旨。合無拘減圓牌。奉旨拘收可也。是月尚書工部呈擬。今後隨路提舉使副正官。每季押運段匹等物。乘驛馬二匹。下次人負。依先例給降一匹。省部議得各路局院起納段匹雜造軍器等物。既今局院提舉使副正官。每季親押前來。合給鋪馬二匹。若差下次頭目人負。依例給降一匹。行移合屬依上施行。十二月二十九日。丞相完澤等。奏準增給省除之任官鋪馬聖旨三百五十道。二十九年正月七日。中書

省奏福建宣慰司官高興言本道每年迺運泉州貢賦及外國來使赴上。皆仰民力綱運重勞苦之。今沿途逃亡之屋甚多。民可哀憫。竊詳遠近職貢驛傳。為先請於建寧路建陽縣崇安縣各立馬站一所。迺運至鉛山州車盤站。至汭口下船。直至大都。每處用夫二百五十人。所以放罷亡宋運銅錢及舖兵充站夫。又於福州懷安縣水口南劍各置水站。以達建寧。似望官民便益。奉旨若曰。亦黑迷失沙不丁曾至其地。可再問之。都省欽依。詢於亦黑迷失沙不丁。皆以為便。差官與江浙福建行省從宜設置。差擬人夫。比之西路饒州等處驛道計省五站。且近七百餘里。十五日通政院言先為衛輝大名彰德三路站船數多。運物繁多。船弊畜喪。站戶貧困。擬合每站增作站船三十艘。於當差相應戶內僉撥站戶。或將火失不花取勘罷開車站戶內。擇其有物力者以應前役。呈奉都省劄付。照得車站戶。今歲科出中統鈔三十兩。津貼消乏。站赤外。從本院區處。今奉聖旨。準行。若於汭梁等處。取勘到車站戶內。取其可役者。以充水站戶。官為計置。站舟驢畜。後有損弊。卻令脩補。相應兵部從之。都省定擬牽船驢畜。令站戶買備。全免今歲已科津貼鈔數。餘準部擬。大名路元設船一十五艘。今增五十料船一十五艘。撥站戶一百五戶。彰德路元置船一十艘。量

增七十料船一十艘。用戶一百戶。五十料船一十艘。用戶七十戶。衛輝路元設船一十艘。本驛係御河上源淺窄。擬增三十料船一十艘。用戶五十戶。又五十料船一十艘。用戶七十戶。三月二日。中書平章政事不忽木。參議暗都刺等。奏通政院言整理江南站赤。合立行院。臣等議謂不須別立官署。從通政院分官四員於四省整理。各給印一顆於事為宜。上從之。是日又奏大都至上都沿途站赤消乏。及東平府之地常役一萬餘戶。置立車站。在後開河迤運車站罷去。今歇役之戶約八千餘。合令出備物力津濟河間保定以北。上都以南站赤。如此整治。庶幾便益。奉聖旨準。十四日平章政事不忽木等。奏真定路管祇應漢人崔姓者。累嘗經御告言阿合馬。當朝之時。於民間借貸鈔六千四百八錠。粟四萬三千五百三十五石。以充祇應。乞回給事。前者省官不準回付。臣等議得阿合馬在政時。各路似此借支者多。虛實難信。在後桑哥居省。忻都等。打算有理無理。哀取民財。不可數計。今若準給此一路借過錢糧。則援例者多矣。不與為便。奉旨可。回諭其人。十七日。中書丞相完澤等。奏迤者。今江南造舟至御河運糧。舟雖增而輓漕者少。復有南人在內。每歲賠償折耗官糧。窘乏莫甚。若釋之。以東平府所罷車站戶內。近河家居者二千戶。供牽船

之役為便。上從之。二十一日中書參知政事暗都刺等奏南京省來言錢糧之廣。揚州為最。請自本處至淮西立十站。又至歸德府立兩站。河南府立三站。以便輸運。臣等議得淮西立十站。用民實多。未易輕舉。歸德河南則當置立。取自聖裁。上從之。四月御史臺備燕南廉訪司言東平路驛傳。至元二十八年。官撥中統鈔二百錠。祇應不敷。以致借貸錢物。今年二月將終。猶未支除。本路正當南北衝要。所轄水陸七站。使臣絡驛。祇應實繁。官不支錢。何以為具。况司縣官吏俸祿微薄。已且不贍。馬可給人。賒借之弊。因不能革。看詳年稍祇應錢。自省部撥降。以至宣慰司路府州縣。循給而下。轉發勘合放支。往往愆期。不及於用。今後莫若令各路就於課程錢內際留。謂如至元三十年。合撥官錢於二十九年。冬季課鈔內際留。發付有司買辦銷用。有餘則準下年見在之數。果若不敷。先斯申請。如此庶使吏安其職。民樂其業。乞明降事。都省準擬。自至元三十年為始。依上施行。五月十六日。中書平章政事刺真不忽木奏。黃河迤南站赤。三四戶養馬一匹。而京兆之地。一戶養馬三四匹。為役不均。宜加整理。蓋嘗體究京兆立站之始。與他方不同。每地一頃為一分。一丁亦為一分。總十四分。當站馬一匹。今議始從其例。但增三分一十七分。當站馬一匹。庶幾得

中。奉聖旨準。六月四日。濟寧路差委朶魯赤赴都呈稟綾樣。為元降鋪馮聖旨。他使費捧未回。輒給差劄於本府驛內起馬一匹。令朶魯赤前來。通政院為有定制。諸官府不得就出劄子。遣使馳驛。濟寧路即是違錯。除究治外。定擬今後似此擅給差劄騎坐鋪馬。必合通行禁治。都省準擬送兵部施行。是月中書省。委瀋州高麗總管府。蒙古教授明安荅兒。管押劄紙入站。迤運赴遼陽等處。行省交納。令兵部行移應付沿途粥飯以行。閏六月二十日。通政院官平章刺真。同知通政院事幹羅司等。奏曩者以雲州獨石站道遙遠。冬月人馬困乏。奉旨於兩道之中增置一驛。令中書省臣議。先攻襄陽時。取保定至大名路。逕道立一十四站。混一以來。前站已廢。若以此罷閑站戶於雲州至獨石中間。初置一站。餘戶增撥入真定。至大都消乏站赤。允為便益。奉聖旨準。是月中書兵部。照得隨路迤運官物。官支腳價。近年戶部考校得運物斤重。與鄰接路外所報多寡不同。其始如二萬斤。終增至三五萬斤者有之。或押運附帶已物。各官司作弊者有之。將欲究竟。反滯於事。乞定擬隨處迤運官物。自始發處正官一員。對物權其輕重。申命總府佐二官。復實封印。然後和雇脚力支價運行。關報前路。及押運官差劄各書諸物斤重。稱盤體覆官姓名。若相接官司

覆出多少。罪其初委之官。仍追多破少支錢數還官給主。其實用價鈔。每季備抄文憑申除。如此。非惟除弊。事實便宜。都省準擬。遍行合屬依上施行。七月中書刑部呈。戶部高奏。差歐擊。昌平站供馬人王迪等。又奏。差楊德秀。走死站馬一匹事。除歐傷罪已追斷外。議得。楊德秀元乘鋪馬已回至站。於四月二日五更方死。似難追陪。都省準呈。為例施行。八月二十七日。丞相完澤。平章政事刺真。奏。淄來路。今改為般陽路。元給起馬兩匹。聖旨。宜易郡名而與之。奉聖旨。倒換與之可也。九月懷孟路。言。迎運官物。車戶腳力。官價不敷。資費。切照本路至衛輝。清河。唐村。馬頭。二百七十餘里。官有水站。私通客旅。今後若將寶鈔。金銀。嫌帛。及急需錢物。從陸程和雇。脚力起行。每歲合起簾重物貨。卻自陸程。以至衛輝。清河。站船接迎。赶上。可省官錢八百餘錠。官民兩便。省部准擬。下合屬依上施行。十月二十八日。中書右丞相。火魯。孫等。奏。江南漕運官物。以無驛傳。故奪民船車不便。合將官有船車脩理。立水陸站。赤。官民兩便。上從之。是月遼陽行省。咨慶雲至哈里賓之地。酌量可立二十八驛。每驛用三十戶。每戶官給馬一匹。牛二隻。計用八百四十戶。除用舊戶外。尚少一百四戶。請區處事。都省議得。鋪馬不須制備。但每站用戶二十鋪。牛三十隻。漢車五

輒以充遞運。自水達達八站三萬戶。以至哈里賓之界。別列怯里舊站三萬戶。以至女直接境。又自女直經行道上。各令計程置立。奏准聖旨。回咨遼陽行省。放支牛價。欽依起立去訖。十一月御史臺呈江東建康道肅政廉訪司。言宣慰司別無鋪馬聖旨。差官乘驛。今後除進上有顯驗物色。欽依聖旨。事意施行外。其餘出使人員。合令欽賚聖旨乘驛相應。都省准呈。遍行照會。是月通政院言。至元二十年七月二十四日。二十三年十一月四日。二次奏奉聖旨。站戶自備首思。除免和雇和買一切差役。今又欽奉聖旨。節該百姓消乏。其和雇和買不分軍站民戶。並令均當。切照站戶既備首思。又當和雇和買差役。委涉重複。請區處事。都省議得。大都上都站戶。多係迤南路分僉撥前來當役。相去寫遠。供給頻勞。擬依先降聖旨。令站戶自備首思。除免和雇和買一切雜泛差役。行移合屬。照會依上施行。十二月六日。丞相完澤等奏東京路。今改為遼陽路。其元降起馬一匹。聖旨兩道。宜易郡名而與之。奉旨准。二十二日。丞相完澤等奏樂實掌益站赤。無問是否。濫給鋪馬。問之則言見收。令旨四道。各起馬一十五匹。况復總管府及治下兩處官員。軍官與魯官等。皆有鋪馬。令旨似此。准憑各投下大王附馬所行。是致站赤消乏。臣請與月兒魯撤里蠻答失

蠻等共議定額。奉旨若曰。誠是也。前者亦嘗言此馬速忽置而不舉。今可為之定論。三十年正月十日。丞相完澤等奏去年南丹洞蠻來朝已立安撫司於其地。今省官答刺罕等言彼中往復辦集官事。合給使臣鋪馬。聖旨。臣等議與聖旨二道。各准起馬一匹。奉旨准。二十三日。中書省奏。昨曾奉旨。肇州至豪懿州。置立站赤。今臣等議於其地分置七驛。每驛備逆運牛五十隻。委伯帖木兒司之。候至今秋買備上從之。三月五日。平章政事帖哥等奏。兩淮都轉運鹽使司言。所轄出鹽地廣。乞增十匹鋪馬。聖旨。臣等議乞減半給降。奉旨准。十二日。通政院言。比因遣使至雲州。取馬於龍門口赤城站。參詳今後馳驛使臣出離站道。幹辦官事。宜令所過州縣應付馬匹。都省定議。馳驛人負以公事遠背站道者。所過州縣換馬。送兵部行。移通政院照會施行。四月十三日。中書平章政事不忽木。參知政事暗都剌等奏。雲南行臺言。自哈剌章建都之地來者。一從本處驛道。一自禿徠蠻境。二者烟瘴遠險。惟烏撒芒部有一徑道。近可千餘里。既無瘴毒。又皆坦途。往者為其民植茶三百里。且有禿頑為亂。故不之知。今已安靜。請改設站赤。臣等議謂便益之事宜從其請。奉旨若曰。斯言至矣。其從之。是月監察御史言。河南府湖城站。馱運葡萄酒。實為正馬六

十二疋。押運官及行李元刺赤等。復乘馬四十九匹。通計一百一十一匹。蓋因元發官司不謹其初。致令多冒夾帶。若定擬今後合起物貨斤重數目。封記發遣。明見於文約。量起馬所過從脫脫禾孫檢視。相沿給傳。元刺赤徒步以從。如盤獲過餘物貨。追沒入官。押運人與初發官司各有罪。如此。庶革前弊。站赤不致困廢。都省兵部照擬得舊制出使除隨身衣衾雨衣外。餘物不得附帶。又除進上有顯驗物色。欽依聖旨事意施行。其餘出使人員合令欽賣聖旨馳驛。此乃已行之法。今御史臺申言前弊。禁革相應。後有違犯。元發官司與脫脫禾孫亦當同坐。准呈遍行照會禁治訖。

五月十四日。中書平章政事帖哥等。奏淘金運司官馬合麻木哈里。請給聖旨起鋪馬五匹。蓋緣所轄六路。出產金銀。合無准給。奉旨與之。是日又奏准給降大司農司鋪馬聖旨起馬二十匹。二十一日通政院言良鄉涿州驛當通道。內外運轉。必由於此。比之他路繁劇。勞苦莫甚。其使客到站。往往威逼官吏。多取物色。或羅織問罪。搔擾站赤。不便切見。口北榆林站以路當通道。故設脫脫禾孫二員詰驗。繆偽而燕南保定往者亦為充貫。正南泉興至大名西南慶都至真定兩路。設置脫脫禾孫二員以莅之。即今泉興大名之驛。已罷所掌。惟保定至真定一道而已。若將此處脫

脫禾孫徙於涿州治事。似望約束非違。官民兩便。中書省奏准聖旨。遷置訖。是月通政院言各處之任官負。係於河間真定起馬。今有宣撫忽里哥等。赴長河西之任。未審如何應付。請區處事。都省定議。遠方之任官負。合起鋪馬。減定數目。如通水路。止給站船。陸路。則自河間真定為始。如數應付。行移合屬。依上施行。一品元定八匹。今擬五匹。正從二品元定六匹五匹。今擬四匹。三品四品元定四匹三匹。今擬三匹。五品已下元定三匹二匹。今擬二匹。六月江浙等處行省言。平江路申遞運站船。若止以六戶供船一艘。除苗不過十四五石。力寡不能當役。且今池州安置遞運站一所。未有定議。請令各路除苗不過元額二十四石。自六戶之上。或至十戶。通融僉撥相應。都省准擬。行移合屬。依上施行。七月司天監答木丁自言。慣識江南行船之便。頗知灤河水勢。近用區船運米十七石。已至上都八都兒倉。則知水利有益於國。十一日。近臣奏奉聖旨。此誠美事也。可諭省院官舟楫之利。其即治之。都省令答木丁繪其船製計。用軍人水手一萬三千人。立五十八站船。一千八百七十八艘。請給半年之食。為米二萬三千四百石。不五閱月。可致糧七萬五千石。省臣以為事涉繁重。不宜輕舉。候回大都區處。奏奉聖旨。不須急。姑俟後議。八月二十

日。參知政事暗都刺等。奏准給發劉二拔都兒圓牌三面。鋪馬聖旨一十五道。九月十三日。平章政事不忽木等。奏南京蔡州。改為汝寧府。乞換起馬二匹。聖旨與之。奉旨准。是日又奉田家國。改立宣撫司。乞換起馬二匹。聖旨與之。奉旨准。是月中書兵部呈。今後給驛之始。今站赤驗所。由官司差劄分正從人負。移關前驛祇待飲食。如無關文。不許應付。仍罪失行官司。都省准擬。十月八日。中書省議通惠河已開。擬於李二寺安置水站。用船三十六艘。除舊有外。以通州車站戶補充站戶。官為應付安立訖。十四日。參知政事暗都刺等。奏准增給濟南府鹽運司。起馬一匹。聖旨一道。總前共起馬七匹。十一月二十九日。中書平章政事刺真等。奏遼陽行省所轄武平路。已改為大寧路。元降鋪馬聖旨二道。各起馬一匹。今合更郡名換給之。奉旨。卿其裁處之。是月山東道廉訪司。言濟南路投下總管府所管人戶。既於本路額內。應當係官差稅。別無擅科祇應錢物。體例已下本道取問。照勘見在鈔數。追收聽候。至如公差使。臣人負。祇應合從有司。應付事。省部照得諸王。令旨差使乘坐。已馬使臣。每起應付。分例正一名。從不過二名。已有定例。所管戶下科取祇應。事屬不應。今後本投下使臣人負。若有事關本路者。驗所賚文憑。別無詐冒。依例官為

應付。毋致科歛於民。下合屬依上施行。十二月大都路言管轄河西務楊村馬頭闕少館驛鋪馬事。通政院議楊村河西務每處擬設正馬一十匹。合用戶計。於附近河間清滄二州相應戶內僉撥。關部呈省準擬。就令通政院差官與有司官措置起蓋館驛。及陳設什物人夫祇應完備。開具站戶。住貫丁產館舍間坐地畝鋪陳什物。各各數目。鄰接站赤路里。繪圖繳申都省。是年保定路慶都站。立本驛路當衝要。無時官使往來。供給繁重。鋪馬勞苦。緣立站之時。馬價多不過十兩。豆粟斗直三二分。比年旱澇相仍。諸物騰踊。馬價少者八九定。又直收刷無從市易。豆粟斗直一兩有餘。比於初立增多。何啻數倍。站赤疲弊。職斯之由。切照每歲葡萄酒。酥油。水銀。西天布。硫黃。西番僧皮。推馱子。青麥。鹽貨等類。每運馬八九十匹。歲計千餘匹。上項諸名件。乃年例出產職貢。難同馳驛急索之例。今後合無自初起程。如遇水路從舟起運。果值陸程隘道。以馬接運。及至平川。復以車力濟之。且如車一輛用馬六匹。可以抵乘馱馬一十五疋。及牽引馬八匹之力。省馬一十七匹。以備馳驛之用。一年之內。可減起馬八百餘匹。如准所言。庶幾站戶鋪馬俱得寧息。都省議令兵部照勘所屬各路站赤。可減馬匹。增設車船。而通政院以為摘減鋪馬。增設車站。似為重複。省部

准擬行移通政院。照會施行。三十一年六月二十四日。平章政事刺真帖木兒等。奏楊賽因不花求差使鋪馬聖旨。臣等以為如賽因不花之派。不曾給與。若與之他人必援例。乞姑緩之。奉聖旨准。是日平章刺真帖木兒等。奏給福建運司鋪馬聖旨起馬五匹。十二月四川等處行樞密院遣河東陝西萬戶府千戶李琇。起補逃亡事故軍役。費本萬戶府起馬一匹。聖旨一道。其差劄內卻照遼陽行省先奉聖旨。不須給牌。但憑印信文書起馬指例為據。令李琇通起鋪馬三疋。迺運至廣平站。為本府所糾。事上通政院。議得前事。即係違錯。省部就令本院行移取問。遍行合屬依例禁約。是年中書省議各道宣慰司。各路總管府。年例照算收支鈔錢糧。首領官免行。止令經手人吏赴省。所費文卷依例應付站船遞運。其餘不得擅給。送通政院兵部為例施行。成宗皇帝元貞元年正月二十日。丞相完澤等。奏去年緬國上言。其邊界百姓漸入金齒國者甚多。乞還其民。願言九站。先皇帝聖旨從其所請。今又言止得九十戶。其餘未還。不曾立站。雲南省卻咨立站之地。側近無居民。不可設置。今也先不花。新除雲南稱侍。身到其地。相視可立與否。奏來。臣等亦以其言為然。奉聖旨准。二月陝西行省。備陝西等處諸站總管府申。鳳翔府提調站赤官。不關本

府照驗專設站官人等。將公選定岐山站官。祇受通政院劄付人李進玉替離未審。合無提調官選用。或從本府歸一區處設立。先是中書省定擬各處行省站官。提領受行省劄付。三年為滿。副使從通政院於站戶內差設常令在職。至是中書省議陝西站官。擬與各處行省一體施行。閏四月十一日。河南行省言。蘄州路經歷樊用。赴省考較錢糧。回至陽羅站。為脫脫禾孫所搜奪。訖費用不盡銀四小錠。銀光盞八枚。絹五匹半。羅三匹。白氈一鋪。鞞轡一副。鞋一對。木梳六枚。若准設官久而為例。實非長便。都省送兵部議。得樊用盤費衣服等物。盡為脫脫禾孫搜去不還。此例一開。以後出使之人受害。况無脫脫禾孫。中間豈無徇情不搜之人。若令搜與不搜。縱恣所欲。誠恐非便。如蒙欽依。至元十六年聖旨。不搜事意。給還相應。都省准擬。遍行照會施行。是月江西行省言。至元二十五年。龍興路。樵舍等驛。站船不敷。增置九艘。該僉正貼水夫二百九十一戶。總計糧田二百一十六頃八十四畝。至元二十六年。吉州路。五雲造口二驛。增置船一艘。僉水夫四十六戶。總計糧田四十六頃七十三畝。二十七年。贛州路。水西攸鎮二驛。各增船二艘。僉水夫八十二戶。總計糧田九十六頃。各站人夫當站數年。稅糧未曾免除。如依本省元定則例。以地三十畝差

夫一名。依例除糧相應。都省下兵部通政院議得。若從江淮省例。除糧僉夫。誠恐更張動搖。擬依江西行省已擬開除。已僉入站田地相應。都省准擬施行。六月七日。丞相完澤等奏雲南驛站臺官張閻。嘗上言別有便道。因改立站。雲南省官也。先不花等。卻言無益。以此奏遣普顏怯里迷失往視其地。今回稱張閻所言立站之地險惡。馬匹傷損。已復舊道立站。訖奉旨准。九月。丞相完澤等奏哈兒賓地界。舊立狗站一十二所。前者安寧之時。當站糧石出於百姓。然其地不事耕稼。數年以來。站狗多死。至站無以交換。又赴前站轉致損乏。站戶苦之。臣與哈散議。每戶以鈔十錠為率。准賜物貨。聞其俗用青珠。乞相兼與之。奉旨准。十二日。丞相完澤。平章刺真等。奏甘州省咨本省。先領起馬一匹。聖旨七道。上寫尚書省。今尚書省廢。乞換寫中書省字。別給臣等議。乞行移各省。似此聖旨。盡命發來。一例倒換。奉旨准。十八日。中書右丞相完澤等。奏江浙省咨福建泉州路。上言朝廷差來及過海使臣。每至泉州。不居官驛。宿於民家。不計有無文憑。雖從者亦需正名。成例。又過海舊制。遠使預支二年成例。近者一歲。今不問遠邇。通例。求二年之給。請降聖旨。臣等謂其言有理。但細微何煩聖旨。但從都省申明舊例。移文戒飭之。可也。奉旨曰善。九月。兵部言下番

使臣多係欽奉聖旨差委。其所支分例。本部無憑照勘。合移咨行省。劄付通政院。照依下番人負。合起馬數分揀。應付相應。都省議得今後下番使臣。經由都省分揀正從。行移合屬應付。其有不經都省。徑於通政院取給鋪馬。及到行省者。亦仰就便分揀。應付相應。通行照會。依上施行。十月三日。丞相完澤等。奏雲州出白金。初給聖旨。起馬四匹。續增三道。今又來言。出產金銀之地尚多。乞增鋪馬十匹。臣等議得。追收續增聖旨。別給起馬四匹。聖旨從之。十二月五日。平章政事刺真等。奏出伯言哈班的妃子入朝。乘已馬長行。度其力不能回。請於沿途秣飼。別給鋪馬赴都。回日卻乘已馬。似為便益。奉旨准。二年正月七日。降聖旨。宣諭內外。不得隱占站戶。上都大都兩路站戶。免其和雇和買。各站草地。諸人不得侵占。使臣到站。不得擇驥馬。從通政院奏請也。七月二日。中書兵部准吏禮部關。奉中書省劄付。御史臺呈。福建閩海道肅政廉訪副使商中順言。福建行省所轄八路。每遇朝廷遣使頒降聖旨。詔條前來本省。必須經由建寧南劍二路。亦有就開讀者。次至福州行省。其興化漳泉汀州等路。不係使臣經由去處。例從行省差人開讀。今體聞差來使臣。每每自福州親至興化泉州開讀。方回赴江西者。經過邵武。亦就開讀。汀漳二路。未嘗親去。且

泉至漳。係是隣境。相離四站。驛程不及三百。捨而不往者。蓋有其由。泉南乃舶貨所聚之地。不無希望。汀漳係烟瘴幽僻之方。遂憚其行。漳在正南。汀居西北。行省差人。必須各別。去漳州者。又復經過興化泉州。不惟鋪馬首思重併。抑亦有失奉使大體。今後如遇使臣頒降詔旨。福建開讀者。除經由處得許就開。其餘不係經過路分。合從行中書省。欽依選官前往隨路開讀。來使不應往而往者。理宜禁止。若本宗事。必合親赴泉州開讀者。不拘此限。都省准呈。遍行依上施行。六月丞相完澤。左丞相吉丁等。奏雲南福建行省言。赴任之官。雖準給驛。然得代而還。則自備鞍馬。且歿故者。妻子不能得出。誠可矜憫。臣等議得。任回庶官。在陸途則乘巴馬。及至水路官給驛舟送之。奉旨准。三年正月七日。通政院使只兒哈忽。中書平章政事刺真等。奏本憐等九站。去年起馬頻數。多致羸斃。又兼田禾不收。以是來請。臣等議乞差人前去分別馬匹強弱。於附近燕只哥赤斤屯田糧內。應付芻粟。奉聖旨准。遂差怯薛解也里坤詣各站。給散子粒四百五十石。大德元年四月。太原路脫脫禾孫言。本路站赤。東接真定。南至平陽。四達之路。時有雲南。四川。甘肅。陝西等處。往來之使。及諸王朝省官。負經行。比年鋪馬損斃。站戶困窮。其西番僧使駝馱。重者二三百斤。輕者

不下百五十斤。又兀刺赤馬後。附物常行馳驟。今後乞從脫脫忒孫及站官量定每馬許載百斤。非急務不得馳走。庶望站赤少甦。都省準擬。遍行合屬。依上施行。五月中書省據通政院呈。婺州路言福建任回庶官。乘坐站船。須求分例。若便應付。恐後追徵。省部照得飲食草料。已有定例。站船亦嘗定擬。一品二品。給三舟。三品五品。給二舟。六品至九品。令譯史通事宣使等給一舟。身故官妻子。驗元受品職。與先擬任回官一體應付外。仰依已擬施行。一議擬到下項官吏。止許應付正分例一名。餘皆粥飯。并馬匹草料。三品以上。正從不過五人。馬不過五匹。四品五品。正從不過四人。馬不過四匹。六品至九品。正從不過三人。馬不過三匹。今譯史通事宣使等。正從不過二人。馬不過二匹。六月一日。通政院據靜江路脫脫忒孫。申本路接鄰蠻洞廣海極邊重地。路里遠於雲南福建。其任回官。負或故官妻子。俱求站船分例。若便應付。慮恐違錯。請區處事。省部議得。海北海南兩廣四川任回。及歿故官負家屬。即與雲南福建一體。仰依奏準例。應付站船分例相應。七月中書省奏前者各投下幹脫營運。為不應給驛。已嘗奏準。拘收鋪馬聖旨。已後營運買賣。各從已馬常行。今聞各投下諸王駙馬。又給幹脫戶公文乘傳。搔擾百姓。理體不宜。合無依先制拘

收給驛文書。奉旨可拘收。省部欽依。下合屬施行。仍令脫脫禾孫。遇有此等給驛者。就便拘收去訖。七月桓州昌平等。十一站達魯花赤。洎溧陽站。言各站額設車馬正站人戶。內有富實者。擅將弟分房家口。呈獻諸王投下。或投充人匠校尉等戶。規避站役。止著見戶應當。若不別僉補替。或追復避役之人。誠恐久而不改。損廢站赤。二十二日。通政院官只兒哈忽刺木真八刺沙等。奏請與各投下頭目分揀之。果奉命者勿論。如有自獻之人。乞懲捷仍令當站。奉旨可重捷之。回與站赤。本院欽遵。關兵禮部通行訖。十二月二十六日。中書平章政事賽典赤刺真等聞奏三事。一奏前者嘗令站赤人吏。每歲賚祗應文卷赴省會計。至今不廢。臣愚以為百姓稅賦課程。年終固當赴上考校。最爾分例。何足算也。今後若令各處廉訪司所至。照刷祗應文卷。有理無理。隨即整治。似合中道。宜罷會計之政。一奏上都至大都。及宣德府等一十三站。在先站戶出備祗應首思。免其差糞。去年下議和雇和買軍民站赤均當。遂令管民官應付各站分例。今站戶兩有所出。誠為重困。又有司所委幹辦祗應者。非其人。不無耽悞。使臣首思。若除免一十三站和雇和買之役。仍舊令站戶自備祗應。似為便益。一奏外路使目首思。管民官以物賤時。營備孳畜。令民生

養似此殊省官錢。而廉訪司糾其動搖百姓。且如去年真定姚八兒思。修葺官舍。置立水碾。裨益祇應使臣往來實賴之。本道廉訪司亦以為非。臣等議得隨處管民官。若有營私害民受賊入己。合從廉訪司體察。有如省減錢物。從長規劃有益之事。憲司合置之。並奉旨準。閏十二月。中書省會驗腹裏諸路年銷祇應錢糧。除額撥外。民間多有借貸之數。蓋額少不敷。官吏或致侵剝。每歲赴都照筭。其各路官先期追集府州司縣。及驛傳人吏。名曰置局查勘。因以遂其姦利。深為未便。於十二月二十六日。奏準聖旨。除上都大都隆興大同四處。歲用錢糧數多。難以定額。以下半年放支。其餘路分斟酌合增錢糧。自大德三年為額。於大德元年稅糧課鈔內支撥。若有不敷。差人赴都關取。仍委官從長規劃。祇應務在足用。毋致科歛擾民。官吏人等。亦不得營求私利。若有諸王駙馬親行合用祇應等物。却於各處支持錢內應付。二年二月。中書省準陝西省咨。王相府咨。啓準安西王令旨。四時朝會嘗奉。上命省減鋪馬。今王府常行鋪馬。令旨乞皆令拘收。又札忽真妃子懿旨。本位下遣使乘驛辦事。多不反命。又且擾民。今奉聖旨。分揀鋪馬。可將此處所執令旨拘收前來。今令搠思八許都事二人。與安西府行中書省。共議擇人拘收之。敬此除差人拘收外。咨請

照會驗都省準上。通行拘收。仍行移各投下總管府。依上施行。三年十一月十三日。丞相完澤。平章刺真等。奏江浙省言下海使臣未及去期。先到行省。比及行時。日騎小鋪馬食分例。開居七八月。又正從不分。但差下海必給一二年祇應。多廢錢糧。今後合分正從。斟酌合去時月相近。遣來庶幾省減。祇應鋪馬事。臣等議得其言有理。乞今後分揀正從人數。斟酌時月。明白發遣。使當諒官司知之。奉聖旨準。四年九月。中書參知政事馬哈麻等。貴奉詔書。巡行各路。問民疾苦。據保定等八路。言道居衝要。驛程每遇各省。及西番僧使進納官物。必經所屬接運。遂將槩管各縣車戶。編立牌甲。輪流勾集在府伺候。起運去住。資費每輛用鈔二三百兩。官定脚錢。端實不敷。未免科歛借貸。歲計不下千百。擾民為甚。請區處置立車站。馬哈麻等以其言上於中書。從兵部通政院議定。就內丘縣安置車一十五輛。每輛於編民實有物力戶內。酌中僉差一十二戶。隨其高低。合配當役。元出差稅。依例除免。其車輛繩索。初年官為照依時估收買。應付整點完備。已後若有死損。站戶補置。委設馬站提領。無莅其事。九月四日。回據順德路申。已僉內丘縣車站戶四百六十八戶。共當車役。十二月二十一日。通政院使只兒哈忽哈只等。奏致用院官沙不丁。言所職採取希

奇物貨。合從本司公文乘傳進上。先嘗有旨於附近行省斟酌應付鋪馬。今請遵行此制。令行省宣慰司官量所運物貨輕重給發站船鋪馬。奉旨準。省部行移鎮江通政院及各處欽依施行。五年正月十一日。太傅右丞相完澤等奏羅羅斯土人亦朋言雲南站道經四川地界。過禿獠蠻形勢險惡。宜改立一十二站。事白梁王及雲南省官遣人相視。亦言其便。具以聞。臣等議先是忙兀禿魯迷失怯來張問。各言改站之便。以其道出三省之境。三省之人恐及其地。各欲自私。其論不一。若準此說。即今改立。恐不能定。不若降旨令都省選人。與雲南使者及建言土人。及各省所委之人。親身遍歷凡所言改立之路。相視何處可立。即當改立。託故不立者罪之。制可。乃賜亦朋等二人各裘帛二。從者半之。遣還。二月遼陽行省大寧路言諸王位下送納鷹隼高麗王位下。押運物貨馳馱。及回官等走驟。日三五站。致將鋪馬損斃。今後合無令送納鷹隼回還人負。并押運物貨者。坐車逆送。省部照擬如不係急使。宜從所擬相應。回咨照驗施行。四月省委點站官苗好謙言桓州等處一十一站。提領百戶人等結攬站戶身役。逼取傭錢。是致被害困乏。擬合禁治。及憑藉應役。都省照得已於大德元年四月。定擬內外水陸站赤。須令正身應役。管站官吏結攬者。除科

罪外。工價追沒。提調正官取招。申呈送兵部依上施行去訖。六月御史臺備監察御史言。伏惟國家設置站赤。本以幹辦急務。布宣號令。古人所謂置郵而傳命者也。其所乘駟騎。皆站戶所買。凡遇倒死。責限隨即補完。在國家所係非輕。在百姓所關不易。竊見各處行省宣慰司等。任滿得代。官員前來求叙。或閑人經營私事。往往囑託營求差使。主者看徇。不問緩急可否。即許。因而馳驛。又事體可以並行。以私意而分行。或文字可以入逆。以私意而馳驛。起數頻煩。疲以奔命。去留縱意。走驟任情。以致馬匹羸斃。站戶逋逃。又一日走五七站來大都者。指公務為名。經營已事。將御寶聖旨於客館頓放。不慮踈失。比回已十數月。亦有經年者。本處遇有應合給驛。為無鋪馬聖旨。耽悞官事。深為不便。合行立法禁治。仍令各處廉訪司。監察御史。常加照勘鋪馬起數。但有違犯。究問斷罪。警戒其後。如此。則站戶可以蘇息。憲臺具呈都省。通行照依累降詔旨事意。禁約去訖。七月御史臺準監察御史上言。都大都站赤。多有使臣妄需長行馬匹芻粟。稍若違慢。箠詈站赤人負。略舉洪贊站四月十七日。承接不荅失里公主位下。闊闊解乘驛到站。將長行馬一匹需求芻粟。管站者稱定例。四月一日住支。遽遭鞭撻。應付芻粟車輛而行。似此違例。又無文憑。理宜禁止。今

後若有犯者。聽站官申覆合屬上司。追價治罪。本臺具呈都省送兵部。依上行移禁約。九月通政院。敬奉晉王令旨。針線娘子。女兒。火者。饜食。在先用幹耳。朶馬。馳起運。今年兩次倒死頭疋。可令通政院。應付驛馬。本院移咨河東山西道宣慰司。於民戶內。迺運。關兵部照驗本部以前件米麪脚力。在前不曾應付。具呈都省。照得大德二年正月六日。奉準諸王駙馬位下。合關五戶。絲軍器。歲賜段匹。官為起運。其餘諸物。初無運送之例。通政院不應輒擅行移河東宣慰司。於民戶內。迺運。送兵部。行移欽依施行。是月隴北廉訪司僉事梁承事。言亦集乃路所管七站。除在城至川口二站。山外口至本路五站。係官和買鋪馬。或三十五十。以付站戶飼養。秋夏牧以青芻。春冬取粟官廩。其人復侵食之。設若倒死。官司又議補買。蓋是物不干已。致罹此弊。今後合令本路正官。分輪提調。有損斃當該官與站戶補買。果如走迺病死者。申覆上司覆驗補置。如此。庶省官錢。站亦必奉職。省臺準擬下合屬依上施行。又四川道宣慰司都元帥府。言兩廣海北。海南。身故軍官遺下家屬。例給站船起遣。四川亦合一體。省部照擬得四川宣慰司都元帥府。身故軍官。拋下老幼。比依入番等處。一體斟酌。應付站船脚力。回還相應咨陝西行省施行。十月兵部奉中書省判。送

宣徽院照磨崔用。查勘出柴炭。提舉司多有未支柴薪。廩給司多有未支羊酒米麩等物。俱作已支。按月申報。擬合收作見在。立法關防送兵部。查照到未支柴薪羊酒米麩等物。移準通政院關上項物色。各倉庫急無見在使臣飯食。除緊急人負。廩給司措借應付。緩慢者收執花關直候物到。纔能支付。似難議擬。本部議得廩給司支持鈔定米麩柴薪等物。今後每上下半年。通政院預為申關。撥降差人收管。遇有出人負合支物色。就發花關勘合。隨即支付。年終通行照算。若有銷用不盡數目。收作見在下年支用。所據查照出未支物色。擬合追徵還官。已發花關五日內不行支取者。不許放支。庶革前弊。具呈照詳。都堂準呈。連送依上施行。十一月保定路定興驛。言本站見設車一十五輛。輪流遞運。不曾少休。今夏水潦。驢出饑死者五十餘頭。站民千禾傷澇。朝不謀夕。雖貧若此。亦已勉力補買驢畜當站。略舉八月二日。至二十三日。御位下來使。及茶忽真妃子位下。鈔車應付過一百餘輛。於內轉雇民車四十四輛。逋負鈔錠。卒無所措。又有西番送布施回車七十五輛。涿州續運方去西番送布施車五十餘輛。即今應付不敷。非徒悞事。誠恐站戶逃亡。隳廢驛運。乞區處事。都省議除不敷站車。別行僉撥外。委官自定興縣真定路。點視各站。應有合運諸

物。先儘站車。挨次盤運。果若不敷。今本路官司於見在係官錢內。依例和雇長行脚力起運施行。是月遼陽行省。減較定擬到周歲祇應。可用錢糧額數。都省準擬依上施行。一遼東道宣慰司。中統鈔一百錠。白米三十石。一大寧中統鈔一千六百錠。白米四百石。一遼陽路中統鈔一千錠。白米二百石。一瀋陽路中統鈔一百三十錠。白米四十石。十二月湖廣行省。備播州宣慰司言。近摘撥湘川驛馬前赴琅洞重萬麻峽等站。供應軍事走遞。征收八百媳婦。又值新增站赤馬少。以所摘鋪馬什物。越過貴州不還。除令八戶勉力補置外。若復出備祇應。誠恐重困。已於本司見支未盡糧鈔內。斟酌支銷。本省亦為播州經值供億軍馬。征討八百媳婦。宋隆濟使臣頻數劄付本處宣撫司。於係官錢糧內。係正官一員提調祇應。請照驗事。都省回咨本省。依上施行。是月通政院備雷家站等驛。言先蒙奏準站戶。自備首思。除免和雇和買。今欽奉聖旨。節該各州縣各投下軍站匠人等。並依先行聖旨。皆令供應和雇和買雜泛。似此當從重復。具呈都省。照得大德元年十二月二十六日。已經奏準聖旨。上都大。大都。及宣德府等一十三站。除免和雇和買等役。依舊令站戶自備首思。欽遵施行訖。今據前因連送兵部。就行合屬審實。如委係自備首思站戶。

欽依元奉聖旨事意施行。又江浙等處行中書省言杭州路在城驛近
承接使臣答木丁等。欽費聖旨懸帶虎符。前赴馬合答東番國。徵取獅豹
等物。往回應付二年分例。不受山羊。不需北羊首思。及過求禁屠一百五
十日肉食。又愛祖丁等使四起。正從三十五名。前往刁吉兒地取豹子希
奇之物。往回應付三年分例。各官亦需北羊肉價。本路申言首思祇應累
有聖旨約束。北羊本非南地所產。雖或有之。其價甚貴。今年正月時估北
羊肉價。每斤中統鈔一兩五錢。山羊肉每斤一兩。準用此則。周歲省鈔甚
多。站赤便益。本省參詳。除答木丁等。俱係欽奉聖旨出使人員。今本路權
支北羊肉外。今後下番使臣。如準杭州路所擬應付山羊肉價。庶望省減
官錢。即係為例事理。請區處事。都省送兵部。議得北羊既非南地所出。宜
準行省所擬應付相應。六年正月二十日。通政院使禿滿答兒哈只等。
奏諸官府遣使至隆興府。所委公事住滯。卻乘小鋪馬妄行。合無禁止之。
奉旨。今後也忽里提調小鋪馬。勿得給與。具呈都堂送兵部。欽依施行。
又通政院官。奏諸僧使臣。每將重物裝乘。以致鋪馬倒斃。乞依舊制。駝馱
一百斤以上者。不許裝載。奉旨可。今宣政院各分揀之。欽此。都省通行照
會訖。二十二日。通政院使察乃等。奏諸使及西番僧人所過站赤。既乘

鋪馬復將常行巴馬需求芻粟。合無禁止。聖旨勿與之。可也。省院欽依移咨行省施行。是日通政院使察乃哈只同知道政院事撒的迷失等奏各站在逃戶計前者不曾定罪。止令依舊入役。今臣等議得似此逃戶杖七十七。追納合該差稅可否。取裁奉旨。卿言是也。其行之。又河南行省備汴梁路脫脫禾孫言襄陽南陽等處遣使部押稅課。除欽賚聖旨起馬外。亦有以差劄起馬赴省者。比其返也。仍復給驛。不審可否。應付。省部議得今後除進上有顯驗物色。欽依聖旨事意施行。其餘出使人員。合賚聖旨給驛相應。是月陝西行省言諸官府及西僧給驛頻數。馱物太重。今後請禁止濫給鋪馬。及長行馬芻粟。但有進呈物色。自起程權其輕重。不過百斤。差劄內明書經過去處。許脫脫禾孫盤詰減卸。具押物官姓名申上懲戒。通政院官奏準聖旨。令宣政院官分揀之。省部欽依施行。又打捕鷹鷄官簿得信。言至元二十三年。欽奉聖旨。打捕鷹鷄。每歲秋季七月十五日。入海。本處官司給食。採得鷹鷄乘坐鋪馬到館。每鷹一連日支鷹食肉四兩。至九月十五日出海。大德五年。站赤止給鷹食。而本處官司以無省部明文。不與粥飯。乞區處事。兵部參詳簿得信等。下年捕鷹時。比依脫斡沙例。應付粥飯相應。省準依上施行。又中書下兵部安置站車。初大

德四年六月。都省照擬大都至西安沿路未立車站。遞運官物。往往科擾於民。於當月十五日。奏准聖旨。差官前詣各路。與正官酌量。僉戶安置車站。回據所委官兵部郎中答里必等呈。保定至河南閿鄉縣。安置車站一十六處。同整點得彰德迤北諸路。運物輻輳。站車不敷。其押運人負科起。起民家車牛。無者出錢轉雇。体究每站不過一百八十戶。却當向日一路差發。誠為勞苦。請議增設相應。又河南府新安縣。車站至峽石一百八十餘里。山路險惡。如值泥潦。一去十日不還。若於澗池增設一站。庶得通濟。既而保定等路申。每站置車十五輛。遞運不足。未免轉雇民車。每輛用鈔七十八兩。似此重併。請量增車輛事。至是省部定擬安置如左。一各處合起錢物。差人管押。須於差劄內明書運物斤重。可用車數。所至驗實。應付。不得躡越過站。及半途增索車力。凡物至衛州。從本路提調正官。依驗差劄。除金銀寶貨鈔帛急需之物。載以車輛。其餘簾重閑慢物色。以舟運之。若無求文。或所書不明。又非站車合運之物。其押運人及所在官司。並不得用小帖子口傳言語。起給車輛。管站人亦毋得應付。苟有持勢挾權者。具名申部。一各處行省并腹裏瀕河路外。應入水站物貨。依例船運外。不拘河道去處。擬自涿州至宜溝一十站。量擬再增不項車輛。每輛

許僉一十二戶。同力應當。除其差稅。差去官與各路正官照籍於酌中戶內。僉取高下。分配供役。合用車輛驢畜繩索等。官為買備。已後死損。站戶補償。涿州至宜溝車站一十處。除見設外。量添下項車輛。每輛須載二千斤。驢一十二頭。涿州十五輛。定興十輛。保定一十輛。中山一十輛。真定在城一十輛。趙州五輛。內丘五輛。臨洛五輛。磁州五輛。宜溝五輛。一見設車站元係馬站提領兼管。今改擬不隸馬站。從差去官與本處管民官一同詢衆於車站戶內。選差諳練官事二人充提領管領站戶。飼養驢畜。仍委路府州縣達魯花赤長官提調成就。一車站戶數。即與馬站無異。雜泛差役。已有定例。仰一体照會施行。一在都設立車站日久。整治條格。從兵部就便照勘依例施行。一河南府新安縣至峽口。路險且脩。今於澗池增設一站。置車一十五輛。照得汴梁南至黃州襄陽兩道站車。除先撥付河南府管下站亦安置外。其餘車數已盡革罷。人戶未曾收差。咨河南行省。依例僉撥安置。二月江西省咨廣東道。德慶府判官合麻。因病作闕。宣慰司照依任回官負例。應付站船出廣。廣州路副脫脫禾孫。言其難同得替任滿之例。本省看詳病患作闕。終是到任人負理宜應付。都省準擬依上施行。八月廣平路。言近蒙朝廷

差來官。及通政院所委官。整治站赤。計點館內闕少鋪陳什物。立限增修祗待。已經定擬到合增物件。申通政院照驗外。若於本路大德五年。額撥祗應錢內放支。買置緣已銷用無餘。擬候大德六年撥降官錢置造。請區處事。兵部照擬得各路館舍鋪陳什物損壞去處。正官相驗是實。計其物價。令不干礙官司體覆。於年銷錢內從省收買修補。中間若有情弊。廉訪司糾察。已有定例。今據所申。擬合各路於逐年額撥年銷祗應。從長規劃息錢。逐旋修置。不惟於民無擾。抑不省官官錢相應。呈奉省準依上施行。又江浙等處行中書省。言嘉興等路逃亡消乏站戶一百餘戶。合無從廉訪司體覆補換。省部議得逃亡消乏站戶。合令親管州縣保勘。具申總管府。委不干礙五品以上管民官。體覆是實。開具元兪增損。目今實有丁產。申覆省部區處。從監察御史廉訪司體察。但有不實。將保勘體覆官等。驗戶多寡。責罰標附過名。任回降等遷叙。主典吏人勒停行移。合屬照會施行。十一月三十日。通政院使禿滿答兒察乃哈只等。奏塔察兒脫脫木孫。言諸使臣非有公事不遵站道。經由秦中鞏昌府。鳳翔府等處城池。於理體若不相似。奉旨若曰。果有公事。則從城邑經行。無所事而自過城邑者。罪之。欽此。具呈都省施行。

永樂大典卷之一萬九千四百十九



重錄總校官侍郎臣陳以勤

學士臣王大任

分校官修撰臣諸大綬

書寫儒士臣朱軾

國點監生臣林汝松

臣董仲輅

國立中央圖書館



0407695



4.2

籍